

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA MAGLAJ
OPĆINSKO VIJEĆE

Broj: 02-05-1-1428/19

Datum, 18.07.2019.godine



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MUNICIPAL COUNCIL

Z A P I S N I K

sa 29. sjednice Općinskog vijeća Maglaj
održane dana 18.07.2019.godine u 08,30 sati u sali
JU Dom kulture «Edhem Mulabdić» Maglaj

Dopredsjedavajući, na osnovu člana 59. Poslovnika o radu Općinskog vijeća, zaključaka Kolegija od 08.07.2019.godine, te Programa rada Općinskog vijeća za 2019. godinu otvaram 29. redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih partija SDA-a, SDP-a, SBB, DF, HDZ, samostalni vijećnici Mustafa Buljubašić, Mustafa Bešić, Fikret Delić, Kanita Bašić i Elvir Vehabović.

Poziv na sjednicu i materijal dostavljeni su OSCE-u Terenski ured Travnik i sredstvima informisanja koji prate rad današnje sjednice Općinskog vijeća.

Pozvan je Načelnik općine, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Na sjednicu su pozvani i zastupnici Doma naroda Jasminko Kapić i zastupnica u Skupštini ZDK Emira Drnda-Čičeklić.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 29. redovnoj sjednici Općinskog vijeća.

Današnjoj sjednici Općinskog vijeća prisustvuje 21 vijećnik.

Nisu prisutni vijećnici Selma Avdić, Šefka Hasanić, Armin Hrnjić i Josip Jurišić.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Na sjednicu OV pristupila je vijećnica Selma Avdić, tako da OV radi sa 22 vijećnika.

Na današnjoj sjednici izvršit ćemo i verifikaciju zapisnika sa 28. sjednice OV, kao i zapisnik sa 2. Vanredne sjednice OV.

Ima li primjedbi? Nema, dajem na verifikaciju zapisnik sa 28. redovne sjednice OV i 2. Vanredne sjednice Općinskog vijeća.

Jednoglasno verifikovani Zapisnik sa 28. redovne sjednice i 2. Vanredne sjednice OV.

Dopredsjedavajući, otvaram raspravu po pitanju dnevnog reda.

Prije usvajanja dnevnog reda, moram da napomenem da je došlo do izmjene u nazivu 17. tačke dnevnog reda u odnosu na dostavljeni materijal, obzirom da je materijal u Službu ON i OV došao nakon usvojenog dnevnog reda na Kolegiju. Tačan naziv navedene tačke je Izvještaj o realizaciji programa održavanja, sanacije i uređenja lokalnih i nerazvrstanih cesta i gradskih ulica u 2018.godini.

Imamo još jednu intervenciju, a dobili ste radni materijal prije sjednice na svojim stolovima, Odluku o zatvaranju kolektivnog centra/naselja Omerdino Polje kroz implementaciju projekta „Zatvaranje kolektivnog centra kroz omogućavanje javnih stambenih rješenja“ Projekat CEB II“.

To je prijedlog Službe, da ovu tačku dnevnog reda uvrstimo u današnji dnevni red, tako da imate i jedan prijedlog za dopunu dnevnog reda sa ovom tačkom.

Vijećnik Nedžad Lokmić, samo intervencija u vezi naziva tačke 18. u dnevnom redu, treba dodati i zimskog održavanja, tako da stoji Izvještaj o utrošku sredstava i realizaciji Programa održavanja javne higijene i održavanja ulica i javnih površina i zimskog održavanja ulica u gradu Maglaju i u Novom Šeheru za 2018. godinu. Samo da se uskladi.

Dopredsjedavajući, ako nema više dopuna,

Fuad Hajrulahović, vezano za tačku 14. Stranka je odustala od zahtjeva, tako da bi istu trebalo skinuti s dnevnog reda. Prijedlog Odluke o odobravanju proširenja postojećeg kioska „Mimo“ za proizvodnju pekarskih proizvoda u Ul. Aleja ljljana, u vlasništvu Terzimehić Alise iz Maglaja.

Dopredsjedavajući, imamo prijedlog iz Službe da se ova tačka skine s dnevnog reda.

Predlažem pauzu od 5 minuta kako bi usaglasili ove dopune i izmjene dnevnog reda.

Na ovoj sjednici Kolegija većinom glasova je prihvaćen prijedlog dnevnog reda kakav sam ja iznio prethodno sa ovim izmjenama i dopunama u nazivima i sa skidanjem jedne tačke dnevnog reda, odnosno uvrštavanjem druge tačke dnevnog reda.

Gospodin Jašić se nije složio, ali iz drugih razloga i volio bih da izađete i kažete zbog čega nećete podržati dnevni red.

Vijećnik Safet Jašić, razlog zbog kojeg Klub SDA neće podržati dnevni red, jer na sjednici Kolegija sam iznio svoje razmišljanje, stav Kluba i Stranke da je iz sjednice u sjednicu dnevni red sve duži, odnosno materijali su sve obimniji i smatramo da ne možemo kvalitetno razmatrati veliki broj tačaka koji je i preko 20. Što se tiče ovih izmjenama, ja nemam ništa protiv u dnevnom redu, ali što se tiče saziva i ponovo ponavljam iz ovog razloga nećemo podržati dnevni reda, a za ubuduće ako budemo dogovarali na Kolegiju i budemo konstruktivni, mislim da treba dnevni red reducirati bar na nekih 13,14 tačaka.

Dopredsjedavajući, predlažem da se izjasnimo o ovim izmjenama i dopunama prvo je bio da se naziv za 17. tačku utvrdi tačan naziv.

Glasalo za 21. glas: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA).

Glasalo 1 uzdržan glas: Mustafa Buljubašić (samostalni vijećnik).

Drugi prijedlog vijećnika Nedžada Lokmića o jednoj modifikaciji tačke 18. Izvještaj o utrošku sredstava i realizaciji Programa održavanja javne higijene i održavanja ulica i javnih površina i zimskog održavanja ulica u gradu Maglaju i u Novom Šeheru za 2018. godinu.

Usvojeno jednoglasno sa 22. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

Dajem na glasanje 14. tačka dnevnog reda skine s dnevnog reda zbog odustajanja investitora.

Usvojeno jednoglasno sa 22. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

Prijedlog dopune dnevnog reda sa prijedlogom Odluke o zatvaranju kolektivnog centra/naselja Omerdino Polje kroz implementaciju projekta „Zatvaranje kolektivnog centra kroz omogućavanje javnih stambenih rješenja“ Projekat CEB II“.

Usvojeno jednoglasno sa 22. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

Predlažem da ovu tačku predvidimo kao 9. tačku dnevnog reda, a sve ostale pomjerimo za jedno mjesto.

Usvojeno jednoglasno sa 22. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

Nakon toga pročitano je izmijenjen i dopunjen

D N E V N I R E D

1. **Informacija o provedenim aktivnostima i procijenjenoj šteti tokom elementarne nepogode 13.05.2019. godine;**
2. **Prijedlog Odluke o prodaji nekretnine neposrednom pogodbom „Saraj-milk“ d.o.o. Maglaj, radi oblikovanja građevinske parcele;**
3. **Prijedlog Odluke o kupovini zemljišta koje je zauzeto asfaltnim putem u naselju Plane općina Maglaj (Begić Husein Adil);**
4. **Prijedlog Odluke o davanju saglasnosti D.D. BH Telecom Sarajevo za polaganje podzemnog optičkog kablo;**
5. **Prijedlog Odluke o izmjeni Odluke o građevinskom zemljištu općine Maglaj;**
6. **Prijedlog Odluke o davanju saglasnosti JP „Elektroprivreda“ BiH d.d. Sarajevo podružnici „Elektrodistribucija“ Zenica;**

7. Prijedlog Odluke o ustupanju objekta Uzeirbegov konak na korištenje Javnoj ustanovi Dom kulture "Edhem Mulabdić" Maglaj;
8. Prijedlog Odluke o davanju saglasnosti za prodaju nekretnine;
9. Odluka o zatvaranju kolektivnog centra/naselja Omerdino Polje kroz implementaciju projekta „Zatvaranje kolektivnog centra kroz omogućavanje javnih stambenih rješenja“ Projekat CEB II“
10. Prijedlog Rješenja o izuzimanju zemljišta od posjednika-korisnika Bajraktarević (Redžib) Fahrije iz Maglaja;
11. Prijedlog Rješenja o izuzimanju zemljišta od suposjednika-sukorisnika Jusufbašić (Antun) Katice iz Maglaja i Salkić (Galib) Fikrete iz Maglaja;
12. Prijedlog Rješenja o izuzimanju zemljišta od posjednika-korisnika Mulalić (Munir) Semira iz Maglaja;
13. Stručna obrada zahtjeva „Geo-put“ Maglaj za davanje saglasnosti za gradnju eko asfaltne baze;
14. Stručna obrada zahtjeva Ministarstva za prostorno uređenje promet i komunikacije i zaštitu okoline Zenica za davanje mišljenja u postupku izdavanja urbanističke saglasnosti za rekonstrukciju i dogradnju postojećeg kompleksa „asfaltne baze“ investitora „DOBOJPUTEVI“ D.D. Doboj jug na lokalitetu Bistrica, općina Maglaj;
15. Prijedlog Odluke o dodjeli studentskih stipendija redovnim studentima I i II ciklusa sa područja općine Maglaj za akademsku 2018/2019. godinu;
16. Prijedlog Opštih Kriteriji za dodjelu stipendija redovnim studentima dodiplomskog studija sa područja općine Maglaj za akademsku 2018/2019. godinu;
17. Izvještaj o realizaciji programa održavanja, sanacije i uređenja lokalnih i nerazvrstanih cesta i gradskih ulica u 2018.godini;
18. Izvještaj o utrošku sredstava i realizaciji Programa održavanja javne higijene i održavanja ulica i javnih površina i zimskog održavanja ulica u gradu Maglaju i u Novom Šeheru za 2018. godinu;
19. Izvještaj o utrošku sredstava i realizaciji Programa održavanja gradskog zelenila, mokrog održavanja javnih površina i realizaciji mini projekata iz oblasti zaštite životne sredine za 2018.godinu;
20. Izvještaj o utrošku sredstava i realizaciji programa tekućeg održavanja i rekonstrukcije sistema javne rasvjete na području općine Maglaj za 2018.godinu;
21. Izvještaj o utrošku sredstava i realizaciji projekta zbrinjavanje pasa lualica i napuštenih pasa na području općine Maglaj za 2018.godinu;
22. Informacija o tekućim aktivnostima vezano za groblje „Borik“u Maglaju;
23. Informacija o provedenoj obaveznoj preventivnoj sistematskoj deratizaciji na području općine Maglaj - proljetna faza 2019. godine.

Nakon toga idemo sa brifingom Načelnika općine i vijećnička pitanja i inicijative.
Dajem na glasanje predloženi dnevni red.

Glasalo 13 glasova za: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Mustafa Buljubašić (samostalni vijećnik).

Glasalo 9 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejić, Safet Jašić, Edina Jašić, Ermina Muminović, Dženita Smajlović (SDA).

Na Kolegiju smo se dogovorili da pauzu za ručak damo od 12 do 15 do 13 sati.

AD – 1 Informacija o provedenim aktivnostima i procijenjenoj šteti tokom elementarne nepogode 13. 05. 2019.godine;

Dopredsjedavajući, nije bilo rasprave, zaključujem raspravu i predlažem :

- **Prima se k znanju Informacija o provedenim aktivnostima i procijenjenoj šteti tokom elementarne nepogode 13.05.2019.godine.**

AD - 2 Prijedlog Odluke o prodaji nekretnine neposrednom pogodbom „Saraj-milk“ d.o.o. Maglaj, radi oblikovanja građevinske parcele;

Otvaram raspravu
Klub SDP-a pauza

Dopredsjedavajući, nije bilo rasprave, zaključujem raspravu i dajem na glasanje

Z A K L J U Č A K

- 2.1. Donosi se Odluka o prodaji nekretnine neposrednom pogodbom „Saraj-milk“ d.o.o. Maglaj, radi oblikovanja građevinske parcele.**
2.2. Općinsko vijeće utvrđuje cijenu od 100,00 KM/m².

Usvojeno jednoglasno sa 22. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik) .

AD – 3 Prijedlog Odluke o kupovini zemljišta koje je zauzeto asfaltnim putem u naselju Plane općina Maglaj (Begić Husein Adil);

Otvaram raspravu

Dopredsjedavajući, nije bilo rasprave, zaključujem raspravu i dajem na glasanje

Z A K L J U Č A K

- 3.1. Donosi se Odluka o kupovini zemljišta koje je zauzeto asfaltnim putem u naselju Plane općina Maglaj (Begić Husein Adil).**

Usvojeno jednoglasno sa 22. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik) .

AD – 4 Prijedlog Odluke o davanju saglasnosti D.D. BH Telecom Sarajevo za polaganje podzemnog optičkog kabela;

Otvaram raspravu

Vijećnik Bešić Mustafa, Klub samostalnih vijećnika će podržati ovu Odluku, ali pošto je tačka približna, ja bih zamolio da se uputi jedan zahtjev radi se o novošeherskom kraju, da se pokuša pojačati taj signal, imamo jako lošu konekciju i jako je slab signal.

Vijećnik Jašić Safet, Klub vijećnika SDA će podržati ovaj materijal, iz razloga što ako je nešto bolje treba podržati i ovaj optički kabal će nešto pojačati. Drugi razlog je zato što jedino BH Telecom i „Elektropriveda“ BiH, poslije izvedenih radova zaista dovedu teren, sva presijecanja puteva u prvobitno stanje. I u budućnosti što god budu radile ove dvije firme, ne treba staviti prepreku, jer ljudi čestito odrade ono što pokvare, ono što unište, naprave tako da nemamo problema.

Dopredsjedavajući, zaključujem raspravu i dajem na glasanje

Z A K L J U Č A K

- 4.1. Donosi se Odluka o davanju saglasnosti D.D. BH Telecom Sarajevo za polaganje podzemnog optičkog kabela.**

Usvojeno jednoglasno sa 22. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik) .

AD – 5 Prijedlog Odluke o izmjeni Odluke o građevinskom zemljištu općine Maglaj;

Fuad Hajrulahović, vi se sjećate da smo na jednoj od prošlih sjednica OV usvojili Odluku o izmjeni Odluke o građevinskom zemljištu općine Maglaj. U toj Odluci greškom područje MZ Liješnice je svrstano u V zonu, a imali smo i dopunu u članu gdje se kaže da je područje MZ Liješnica obuhvaćeno u članu 64. i 65. Tako da ne bi došli u

situaciju da po dva osnova vršimo obračun samo u MZ Liješnica, mi smo dali prijedlog izmjene ove Odluke o građevinskom zemljištu na području općine Maglaj, tako da se V zona građevinskog zemljišta briše, a ostaju ovi članovi 64 i 65. kao i za ostale mjesne zajednice, znači radi se o ostalom građevinskom zemljištu.

Otvaram raspravu

Vijećnik Firuz Galijašević, Klub SDP-a će prihvatiti Odluku o izmjeni Odluke o građevinskom zemljištu općine Maglaj.

Dopredsjedavajući, zaključujem raspravu i dajem na glasanje

Z A K L J U Č A K

5.1. Donosi se Odluka o izmjeni Odluke o građevinskom zemljištu općine Maglaj.

Usvojeno jednoglasno sa 22. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik) .

AD – 6 Prijedlog Odluke o davanju saglasnosti JP „Elektroprivreda“ BiH d.d. Sarajevo podružnici „Elektrodistribucija“ Zenica;

Pauza 5 minuta za Klub samostalnih vijećnika

Otvaram raspravu

Vijećnik Mustafa Bešić, pošto se radi o mojoj mjesnoj zajednici, ja sam zatražio pauzu i pomoć stručne službe da nam pomogne da mi razjasni. Pošto ovo izgleda sve čisto, naš Klub će podržati ovaj prijedlog.

Vijećnik Safet Jašić, ja sam malo prije rekao da treba podržavati ovakve projekte. Međutim, ovdje zaista nam treba debelo i dobro obrazloženje kad je ovaj materijal u pitanju. Klub SDA će podržati ovu Odluku samo da tačno znamo jer ipak ne možemo sve razumjeti.

Vijećnik Firuz Galijašević, Klub SDP-a će podržati Odluku o davanju saglasnosti JP „Elektroprivreda“ BiH d.d. Sarajevo podružnici „Elektrodistribucija“ Zenica za ugradnju ovih dalekovoda i polaganju ovog kabla.

Fuad Hajrulahović, u prijedlogu ove Odluke mi smo detaljno opisali o čemu se radi. „Elektroprivreda“ BiH Sarajevo Podružnica „Elektrodistribucija“ Zenica podnijela je zahtjev 10.06.2019.godine Službi u kome traži saglasnost za postavljanje jednog betonskog stuba za dalekovod i jednog betonskog stuba za niskonaponsku mrežu i postavljanje 5 metara kabla. Zašto je to tako malo dva stuba i 5 metara kabla? Radi se o dijelu trase dalekovoda i niskonaponske mreže koji ide preko općinskog zemljišta, odnosno javnog i nekategorisanog puta. U postupku izdavanja urbanističke saglasnosti, vidjeli ste da su oni dobili lokaciju trase i oni su 99% uradili tu trasu po urbanističkoj saglasnosti, po projektu. Zbog same situacije na terenu došlo je do pomjeranja ta dva stuba i ta dva stuba se nalaze u neposrednoj blizini puta, tako da se to vodi kao putno zemljište. Da bi oni mogli dobiti odobrenje za građenje oni moraju dobiti i pravo služnosti, odnosno pravo na korištenje ili neku drugu saglasnost kao dokaz o pravu građenja. To su već izvedeni stubovi završeni. I oni svojim položajem neće ometati, s tim vidjeli ste u članu 5. da je obaveza njihova da slučaj proširenja puta i bilo kakvih intervencija da su dužni o svom trošku da to izmjestite.

Dopredsjedavajući, zaključujem raspravu i dajem na glasanje

Z A K L J U Č A K

6.1. Donosi se Odluka o davanju saglasnosti JP „Elektroprivreda“ BiH d.d. Sarajevo podružnici „Elektrodistribucija“ Zenica.

Usvojeno jednoglasno sa 22. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik) .

AD -7 Prijedlog Odluke o ustupanju objekta Uzeirbegov konak na korištenje Javnoj ustanovi Dom kulture “Edhem Mulabdić” Maglaj;

Emina Hasanić, s obzirom da u Odluci nema obrazloženja, ja ću ukratko obrazložiti. Dana 11.06.2019.godine OV Maglaj zahtjevom se obratila direktorica JU DK „Edhem Mulabdić“ gospođa Svjetlana Zamboni, kako bi objekat Uzeirbegov konak ustupili na korištenje navedenoj ustanovi, a u svrhu obogaćivanja, unaprijeđenja, razvoja kulture i kulturne baštine na području naše općine. Obzirom da je Uzeirbegov konak već bio ustupljen JU DK „Edhem Mulabdić“ Maglaj, Odlukom OV od 04.05.2006.godine na period od 10 godina koji je istekao 04.05.2016.godine, neophodno je donijeti novu Odluku, gdje bi se ponovo ustupio Uzeirbegov konak JU DK „Edhem Mulabdić“.

Objekat Uzeirbegov konak je ustupljen ovoj Ustanovi u potpuno devastiranom stanju kako se i navodi u zahtjevu, te da su vlastitim sredstvima koja su obezbijedili kroz različite projekte, uspjeli da objekat dovedu u stanje turističke ponude, te da je u interesu Općine Maglaj da objekat bude ponovo ustupljen ovoj JU.

Otvaram raspravu

Vijećnik Hajrudin Ferić, podržavam i glasat ću za prijedlog ove Odluke. Zamolio bih menadžment, Upravni odbor i direktoricu Doma kulture da sačini jedan godišnji program korištenja ovog konaka, koji će biti transparentan i koji će se dostaviti i nama vijećnicima, a negdje i javnosti da se zaista zna šta imamo tu, šta se planira tu, ko može koristiti, pod kojim uslovima taj objekat, jer u prethodnom periodu zaista je ovako kako je gospođa Hasanić rekla dok je DK održavao taj Uzeirbegov konak. Međutim, malo se učinilo toga na tom širem turističkom potencijalnu Uzeirbegovog konaka, a samim tim vrlo malo se učinilo i na organizaciji određenih manifestacija, okupljanjima mladih itd. Pa sa jednim programom mislim da bi otišli korak iznad u korištenju tog konaka.

Dopredsjedavajući, zaključujem raspravu i dajem na glasanje

Z A K L J U Č A K

7.1. Donosi se Odluka o ustupanju objekta Uzeirbegov konak na korištenje Javnoj ustanovi Dom kulture “Edhem Mulabdić” Maglaj.

Usvojeno jednoglasno sa 22. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

AD -8 Prijedlog Odluke o davanju saglasnosti za prodaju nekretnine;

Emina Hasanić, radi se o nekretnini koja je u vlasništvu JU DK „Edhem Mulabdić“ to je stan, navedena je adresa u Odluci. Dana 28.06.2019.godine Općinskom vijeću zahtjevom se obratila direktorica JU DK „Edhem Mulabdić“ za donošenje Odluke o davanju saglasnosti za prodaju nekretnine, a koja je u vlasništvu iste. Ova Odluka je postojala Odlukom OV od 09.07.2015.godine, data je saglasnost direktorici JU DK „Edhem Mulabdić“ za prodaju nekretnine. Međutim, tada je bila direktorica gospođa Rašida Muhić. S obzirom da je navedenoj istekao mandat, a prodaja nekretnine nije izvršena u tom periodu, neophodno je donijeti novu Odluku o davanju saglasnosti za prodaju nekretnine novoimenovanoj direktorici Svjetlani Zamboni. Već ranije je utvrđena cijena da ne može biti manja od 19.000,00 KM.

Otvaram raspravu

Vijećnik Firuz Galijašević, zbog Zakona o zaštiti ličnih podataka „Službeni glasnik BiH“ broj: 49/2006., 76/2011., i 89/2011 ispravka, tražim kao zaključak da se donese Odluka da se prilikom objavljivanja Odluke o davanju saglasnosti za prodaju nekretnine zatamne lični podaci broj LK i JMB direktorice JU DK „Edhem Mulabdić“, gospođe Svjetlane Zamboni.

Dopredsjedavajući, zaključujem raspravu i dajem na glasanje

Z A K L J U Č A K

8.1. Donosi se Odluka o davanju saglasnosti za prodaju nekretnine-stana.

8.2. Da se ispoštuje Zakon o zaštiti ličnih podataka.

Usvojeno jednoglasno sa 22. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

AD -9 Odluka o zatvaranju kolektivnog centra/naselja Omerdino Polje kroz implementaciju projekta „Zatvaranje kolektivnog centra kroz omogućavanje javnih stambenih rješenja“ Projekat CEB II“;

Mirsad Mahmutagić, načelnik općine – što se tiče Odluke o zatvaranju kolektivnog centra/naselja Omerdino Polje kroz implementaciju projekta „Zatvaranje kolektivnog centra kroz omogućavanje javnih stambenih rješenja“ Projekat CEB II“, iz samog naziva je vrlo jasno o čemu se radi. Nije projekat izgradnje zgrada za socijalno zbrinjavanje, nego projekat zatvaranja kolektivnih centara. I ranije je Vijeće donijelo određene odluke kad je u pitanju ovaj projekat, pošto on traje već nekoliko godina. Općina Maglaj je među prvima završila ovaj projekat i jučer smo imali jedan sastanak sa predstavnicima državnog ministarstva civilnih poslova, Federalnog Ministarstva za raseljena i izbjegla lica i predstavnicima CRS gdje smo napravili presjek trenutno kada je u pitanju ovaj projekat. Ostalo je dovršiti dvije-tri formalnosti tipa stavljanja zabrane na prometovanje stambenih jedinica i još neke manje formalnosti, ništa opterećujuće s tim da smo jučer dogovorili da moramo donijeti i Odluku o zatvaranju kolektivnog centra. Dakle, da bi bio završen taj projekat mora se i zatvoriti taj kolektivni centar i vama za informaciju mi smo već raspisali i tender za rušenje kućica, a vi danas ovu Odluku treba da usvojite ili ne usvojite. Ukoliko se usvoji, mi treba da dostavimo u ove institucije koje sam malo prije napomenuo.

Mi smo imali odluku da damo crijep ko hoće, međutim neće niko da se potruži da uzme, svi bi gotovo, da neko skinu i posloži i još kad bi im i prevezli. Bilo je onih koji su se javljali prije toga, na čiju inicijativu smo mi i ponudili Vijeću da da saglasnost, poslije toga se više nisu ni javili, kako znaju da su dobili saglasnost. Ovo je sad projekat koji treba riješiti ako neko može nešto iskoristiti tog materijala sigurno može dogovoriti sa firmom koja bude izvođač radova. Uglavnom je naša obaveza da to definitivno uklonimo sa one lokacije.

Dopredsjedavajući, mi imamo jedan zaključak od prije godinu i po dana gdje smo ovlastili Načelnika da on to raspolaze da da taj materijal. Nije bilo rasprave, zaključujem raspravu i dajem na glasanje

Z A K L J U Č A K

9.1. Donosi se Odluka o zatvaranju kolektivnog centra/naselja Omerdino Polje kroz implementaciju projekta „Zatvaranje kolektivnog centra kroz omogućavanje javnih stambenih rješenja“ Projekat CEB II“.

Usvojeno jednoglasno sa 22. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

AD – 10 Prijedlog Rješenja o izuzimanju zemljišta od posjednika-korisnika Bajraktarević (Redžib) Fahrije iz Maglaja;

Dopredsjedavajući, ja mislim da su ova tri Rješenja vezana, da li možemo da spojimo ova sva tri rješenja. Općinsko vijeće je saglasno da se razmatraju zajedno tačke AD – 10,11 i 12.

Fuad Hajrulahović, kao što dopredsjedavajući reče, ova tri rješenja su identična, radi se samo o tri osobe i radi se o tri površine.

Mi smo započeli aktivnosti od prije nekoliko godina za izgradnju saobraćajnice od Wiza centra prema T-objektima. Uradili smo jedan dio te saobraćajnice u dužini od 70 metara i taj postupak izuzimanja zemljišta vodi se od 2008.godine. Da bi mogli nastaviti proceduru i da bi mogli ići u eksproprijaciju zemljišta, znači mora se donijeti i ova tri zakonska rješenja, mada će još toga biti ima više vlasnika. Mi smo pripremili i obavili razgovor i proveli proceduru, tako da mislim da vam je iz ovih rješenja sve jasno. Od Bajraktarević Fahrije se izuzima 238 m² i ona se izjasnila da je njezina cijena 150,00 KM/m², od porodice Jusufbašić se izuzima 153 m², oni su se izjasnili da je to 120,00 KM/m² i od Mulalić Semira se izuzima, u stvari to je već dio koji je pod asfaltom samo je ostao neriješen, on se nije izjasnio o cijeni, on je tražio zamjenu ili novac. Znači u momentu pravosnažnosti ovih Rješenja Pravobranilaštvo i Komisija za procjenu i promet nekretnina će ići u pregovore i dogovore sa vlasnicima oko visine cijene, tako da ovo su njihove želje, šta će u konačnici biti vidjet ćemo.

Samo još da kažem da će u nastavku ove izgradnje saobraćajnice, bit će još tih sličnih rješenja.

Zašto su sad ovakva ova tri rješenja? Zato što ovi vlasnici te zemlje nisu skinuli državnu svojину sa svoga, tako da se to još uvijek u Zemljišnim knjigama vodi pravo korištenja, opet Općina Maglaj, ali to ništa ne mijenja stvar, nego jednostavno samo zadovoljavanje jedne zakonske procedure.

Pauza za Klub SDP-a

Vijećnik Hajrudin Ferić, ja ću postaviti jedno pitanje prije nego što, glasat ćemo o svakoj od ovih tačaka posebno. Gospodin Hajrulahović je pomenuo različite cijene, na koji način će se definitivno precizno utvrđivati cijene u ovom procesu za ova tri rješenja. Samo da nam to kratko pojasnite pa da možemo izglasati ova Rješenja.

Fuad Hajrulahović, pošto ova Rješenja postanu pravosnažna, obaviti će se rasprava, odnosno uzet će se izjave od vlasnika zemljišta kojih će biti više od ovih tri, s tim što će biti jedan drugi postupak, ali cijena za sve bi trebala biti ista. Mi smo sad malo prije utvrdili cijenu od 100,00 KM/m² za prodaju općinskog zemljišta firmi „Saraj Milk“ i prijedlog Službe će biti da to bude tih 100,00 KM. Mi sada već imamo različite te cijene na tome, ali opet između ostalog i OV i Komisija za procjenu i promet nekretnina će upoznati i Vijeće i razlika će možda biti u tome samo što neko ima neke usjeve ili zasade i to se posebno obračunava. Što se tiče jedinične cijene po m² zemljišta, ona bi u svakom slučaju morala biti ista. Izuzetak će činiti sigurno neke parcele koje budu 10, 15 m² gdje mi nemamo razloga da se upuštamo u sudski spor za neku malu razliku u cijeni.

Dopredsjedavajući, zaključujem raspravu i dajem na glasanje

Z A K L J U Č A K

10.1. Usvaja se Rješenje o izuzimanju zemljišta od posjednika-korisnika Bajraktarević (Redžib) Fahrije iz Maglaja.

Usvojeno jednoglasno sa 22. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

AD – 11 Prijedlog Rješenja o izuzimanju zemljišta od suposjednika-sukorisnika Jusufbašić (Antun) Katice iz Maglaja i Salkić (Galib) Fikrete iz Maglaja;

Z A K L J U Č A K

11.1. Usvaja se Rješenje o izuzimanju zemljišta od suposjednika-sukorisnika Jusufbašić (Antun) Katice iz Maglaja i Salkić (Galib) Fikrete iz Maglaja.

Usvojeno jednoglasno sa 22. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

AD – 12 Prijedlog Rješenja o izuzimanju zemljišta od posjednika-korisnika Mulalić (Munir) Semira iz Maglaja;

Z A K L J U Č A K

12.1. Usvaja se Rješenje o izuzimanju zemljišta od posjednika-korisnika Mulalić (Munir) Semira iz Maglaja.

Usvojeno jednoglasno sa 22. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

AD – 13 Stručna obrada zahtjeva „Geo-put“ Maglaj za davanje saglasnosti za gradnju eko asfaltne baze;

Dopredsjedavajući, ja bih predložio da obe ove tačke možemo spojiti u našoj raspravi u prijedlozima, zaključcima, pa čak i nekom obrazloženju od Službe, a dogovoriti ćemo se da li ćemo glasati zajedno ili posebno i utvrđivati neke stavove.

Općinsko vijeće je saglasno da se razmatraju zajedno tačke AD 13 i 14.

Na sjednicu su pristupili i predstavnici „Dobojuputeva“ d.d. Doboju jug.

AD – 14 Stručna obrada zahtjeva Ministarstva za prostorno uređenje promet i komunikacije i zaštitu okoline Zenica za davanje mišljenja u postupku izdavanja urbanističke saglasnosti za rekonstrukciju i dogradnju postojećeg kompleksa „asfaltne baze“ investitora „DOBOJPUTEVI“ D.D. Doboju na lokalitetu Bistrica, općina Maglaj;

Fuad Hajrulohović, u sazivu materijala imamo dva slična zahtjeva. U obadva zahtjeva i firme „Dobojputevi“ d.d. Doboju i od firme „Geo put“ Maglaj, radi se o saglasnosti za izgradnju, odnosno proširenje postojećih kapaciteta asfaltne baze „Dobojputeva“ Doboju i izgradnju nove asfaltne baze „Geo put“ Maglaj. Obadvije te asfaltne baze postojeća „Dobojputeva“, vi dobro znate da se nalazi u naselju Poljice, neposredno preko puta Motela „Bistrica“, a ova druga po lokaciji po zahtjevu „Geo put“ Maglaj se nalazi nešto bliže Maglaju za nekih cca 500 do 700 metara i nalazi se preko puta sjedišta firme „Geo put“ Maglaj.

U samom postupku rješavanja i prikupljanja podataka znači „Geo put“ je firma koja je podnijela zahtjev kao preduslov da bi mogla podnijeti zahtjev Federalnom Ministarstvu za odobrenje za izgradnju, odnosno lokaciju takvog objekta. Što se tiče asfaltnih baza, asfaltne baze od 100 tona i više su u nadležnosti Federacije BiH, a Federacija BiH, daje suglasnost na osnovu mišljenja lokalne zajednice u konkretnom slučaju općine Maglaj, a vi ste ti koji predstavljate općinu Maglaj. Razlika između ove dvije firme je u tome što „Dobojputevi“ d.d. Doboju imaju postojeću asfaltnu bazu kapaciteta nekih 50-60 t/h i imaju želju da tu asfaltnu bazu prošire kapacitete na 100 t/h. Ono što je od nas tražilo Kantonalno Ministarstvo, to je mišljenje. Osnov za donošenje Mišljenja lokalne zajednice, odnosno OV je Prostorni plan. Vi dobro znate da mi imamo Prostorni plan koji je na snazi i da radimo novi. U starom Prostornom planu koji je važeći, ovakvi objekti nisu predviđeni. Nisu predviđeni iz jednog prostog razloga, što u momentu izrade tih Prostornih planova nije ni postojala potreba za izgradnjom asfaltnih baza.

Znači „Dobojputevi“ su u svom zahtjevu koji su uputili Ministarstvu pa Ministarstvo nama dostavili su i postojeće saglasnosti, urbanističko odobrenje za građenje, okolinsku dozvolu i sve te saglasnosti za postojeću i oni imaju želju da tu postojeću asfaltnu bazu sa kapacitetima koje već imaju dole izgrađene da je prošire na puno veći kapacitet i kako se ovdje navodi kaže se eko baza. Iz dokumentacije koju smo mi dostavili i dokumentacije koju smo dopunski tražili, znači ono što nas interesuje, a to je šta će se dešavati sa zrakom, vodom, bukom i ostalim elementima koji su vrlo bitni za ekološki uticaj same te asfaltne baze. Znači nismo dobili, ali smo zamolili pa evo vidim predstavnici su došli.

Što se tiče zahtjeva „Geo put“. „Geo put“ je u svom zahtjevu samo naveo i dostavio kataloške slike, odnosno fotografije te buduće asfaltne baze i tu se samo govori o eko bazi, ali zvaničnih podataka, šta znači eko baza i šta će to uticati na okolinu, bližu i daljnju mi nemamo podataka.

Vi dobro znate da smo mi i do sada davali mišljenje prema kantonalnim i federalnim ministarstvima. Međutim, nekad su ta naša mišljenja usvojena, nekad nisu. Dobro znate da u konkretnom slučaju za firmu „Transey“ naše mišljenje koje je bilo negativno nije prihvaćeno, dali su dozvolu i da se ne bi to desilo i sada, opet moramo brzo reagovati i ja bih volio ako dopustite poslije mog izlaganja i vaših pitanja ako mogu i predstavnici iz „Dobojputeva“ koji su došli da nas malo upoznaju i da nam daju neke dodatne informacije, da bi mogli dalje nastaviti raspravu.

Otvaram raspravu

Vijećnik Edib Delić, ispravka krivog navoda – šef u uvodnom svog izlaganju je rekao da se asfaltna baza koja je u vlasništvu „Dobojputeva“ nalazi u Poljicu. I jedna i druga asfaltna baza se nalazi u Poljicu. Međutim, svi znamo da se asfaltna baza kojoj je vlasnik „Dobojputevi“ nalazi u Moševcu, a ne u Poljicu.

Vijećnik Firuz Galijasević, replika – moram i ja ili repliku ili dodatak na ovo što je kolega Delić rekao, nije samo da je predlagatelj rekao da se asfaltna baza nalazi preko puta Motela „Bistrica“ u Poljicu, a znamo da je i Motel „Bistrica“ u Moševcu, nego je to i napisano nama u materijalima, što ja kao stanovnik naše MZ Moševac ne želim ovo da gledam.

Vijećnica Svjetlana Zamboni, obzirom da smo još iz ranijeg saziva poučeni lošim iskustvima, odnosno nekim stvarima koje su se dešavale za druge investitore kao što je bio „Transey“, ja bih predložila prijedlog zaključka, da ovo Općinsko vijeće uputi nadležnom Ministarstvu naš zaključak kojim ćemo tražiti da se obustave sve radnje na davanju saglasnosti od nadležnog Ministarstva u smislu izgradnje, odnosno dogradnje ovih asfaltnih baza, sve do okončanja javne rasprave i donošenja konačnog mišljenja koje će biti usaglašeno na sjednici OV. U tom smislu predlažem i zaključak da se javna rasprava okonča do održavanja naredne sjednice Općinskog vijeća, a da obavezno javna rasprava uključi predstavnike mjesne zajednice Moševac i n/m Poljice i svakako i gradske jezgre, obzirom da se nalazi kompletan taj obuhvat vezan za emisiju tih štetnih gasova. Na javnoj raspravi tražila bih od investitora da dokažu nama građanima sve vezano za emisiju štetnih gasova, jer iz izlaganja koja i iz ovih materijala nismo mogli utvrditi te tehnološke osobine samih asfaltnih baza, a to će vjerovatno imati i ključnu ulogu u formiranju mišljenja javnog mnijenja, pa zamolila bih i investitore da se potrudu odnosno da ih obavežemo da na toj javnoj raspravi dokažu, odnosno prezentuju sve vezano za emisiju štetnih gasova.

Ja bih voljela da i svi ostali i da donesemo što više ovih konstruktivnih zaključaka kako bismo zaštitili lokalnu sredinu, a posebno stanovnike n/m Poljice.

Vijećnik Mirza Bradarić, predsjedavajuća je već iznijela jedan prijedlog koji će vjerovatno biti prihvaćen. Međutim, mene interesuje samo jedno pitanje kako bi ta javna rasprava mogla biti konstruktivnija i efikasnija.

Ovdje u materijalu koji smo dobili, na prvoj strani u uvodnom dijelu u prvom pasusu stoji: Da je firma „Dobojputevi“ se nalazi sa sjedištem u općini Doboj-jug, a rekli smo da je ova asfaltna baza nalazi se na lokalitetu Mjesne zajednice Moševac općina Maglaj.

Mene konkretno interesuje firma sa sjedištem iz Doboj-juga, radi na lokalitetu MZ Moševac općina Maglaj. Moje pitanje konkretno je šta općina Maglaj konkretno ima od ove firme, a šta Doboj jug ima od firma „Dobojputevi“ kojoj je sjedište u Doboj-jug. Znači benefiti, prednosti i mane ove firme za općinu Maglaj.

Vijećnik Hajrudin Ferić, mislim da su ova dva pitanja i ove dvije teme o kojima danas raspravljamo zaista važne i iz tih razloga treba iznijeti svoje mišljenje i ja bih također volio da veliki broj vijećnika iznese svoje mišljenje kako bi nam bilo lakše i da napravimo nekakav konsenzus ili najbolje zaključke po ovom pitanju.

Naime i suviše ozbiljno pitanje nam je na dnevnom redu da bismo ostali nijemi, a isto tako da bismo zanemarili mišljenje kako reče predsjedavajuća, mišljenje javnosti. Ja bih prije svega rekao mišljenje građana i ono što je najvažnije i najbitnije u cijeloj ovoj priči nisu to samo mještani ili građani MZ Moševac, nego i Bijeće Ploče, Misurića, pa i MZ Maglaj grad, a samim tim faktički i cijele općine Maglaj. S jedne strane, mi smo iz političke opcije iz koje ja dolazim, mi smo svjesni da i postojeća lokacija betonjare – asfaltna baza „Dobojputevi“ je u prethodnom periodu izazivala pa vrlo često određena negodovanja građana kako sjeverno tako i južno, a da ne govorim onih okolo. I ako se malo podsjetimo, tu je predsjednik MZ Moševac, tu ima i vijećnika iz Moševca, znam da je bilo inicijativa iz te MZ ranijih godina, pokušaja potpisivanja peticije itd. da se izmjesti ili na neki način drugačije uredi ovaj rad asfaltna baza „Dobojputevi“. Isto tako da ne bude zabune, mi moramo tu pitati i u javnoj raspravi, osim mještana ovih mjesnih zajednica, osim građana cijele općine Maglaj, svi imaju i te kako direktnu ili indirektnu vezu s tim pitanjem. Također treba pitati i Udruženja koja se bave ekološkim problemima, pitanjima, Udruženje sportskih ribolovaca. Gospodin Hajrulahović kao šef Službe zna da se prilikom javnih rasprava u reg. planovima obavezno moraju ta mišljenja dobiti i od tih udruženja koja se bave, čak i obrazovnih institucija itd. Mi smo u političkoj opciji iz koje dolazim, svjesni i naravno podržavamo zahtjeve investitora za dogradnjom, za napretkom, izgradnjom i svjesni smo vremena koja dolaze gdje i te kako će biti potrebe za ovim poslovima, ali ne na uštrb zdravlja i razvoja građana na ovim lokalitetima, pa i cijele općine Maglaj. Da ne bude zabune, mi moramo biti svjesni jer ovo postojeće stanje kad je u pitanju zaštita zdravlja, zaštita zraka, zaštita voda, zaštita tla na općini Maglaj u posljednje vrijeme je više nego problematična i mi ne smijemo zatvarati oči na mnogobrojne kritike koje dolaze i za ona postrojenja s juga i za postrojenja koja nam dolaze iz Misurića postojeća, a pogotovo ovaj dio Jelovca, Poljica koje je bukvalno hemijske industrija. Imamo mi tih dole dosta proizvodnih hala koje zaista nemamo nikakvog monitoringa da nam pokažu kolika je eventualna štetnost po zdravlje stanovnika, životinja i biljaka za eko okoliš oko nas. Ja ću svakako podržati da mi moramo pitati građane, da to moraju biti ozbiljne javne rasprave u kojima bi svakako sugerisao i ja potencijalnim investitorima da dobro pripreme argumentaciju, obrazloženja svojih zahtjeva kako bismo mogli naći zajedno jedno pravo i dobro rješenje, a ja već sad u startu ću reći bilo koje rješenje koje ide na uštrb građana, ovdje neću izglasati a mislim da se može dosta toga u jednom ozbiljnom pristupu i uraditi, napraviti i na kraju doći do jednog najboljeg rješenja za sve nas na općini Maglaj. Zato ću ja na određeni način podržati ove prijedloge predsjedavajuće koje je iznijela prije mene.

Vijećnik Mirsad Bejzić, vezano za zahtjev „Geo put“ Maglaj, Klub vijećnika SDA Maglaj podržava izgradnju, naglašavamo eko asfaltna baza po zahtjevu „Geo put“ Maglaj. Vezano za rekonstrukciju i dogradnju postojećeg kompleksa „asfaltna baza“ investitora „DOBOJPUTEVI“ D.D. Doboj jug na lokalitetu Moševac, općina Maglaj, stav Kluba SDA je da imamo pozitivno mišljenje vezano za rekonstrukciju i nadogradnju asfaltna baza pod uvjetom da ova asfaltna baza zadovoljava sve eko kriterije kada je u pitanju zaštita okoline.

Vijećnica Selma Avdić, ja kao hemičarka iznijeti ću svoj lični stav. Što se tiče izgradnje ovih baza mi smo svi za i nemamo ništa protiv. Ja mislim da su zadnja ispitivanja u bazi Dobojputevima bila 2015.godine, što se tiče emisije čestice u zraku. To su mikro čestice koje nekad u nekim slučajevima mogu da budu kancerogene u zavisnosti koja je to količina. Međutim, zadnjih godina nisu vršena nikakva ispitivanja kako za otpadne vode, tako i za buku. Ta buka zna veoma često da bude velika i ogromna. Ja mislim da u budućnosti bi se mogla izgraditi jedna stanica za nadzor kakvoće zraka blizu tih naselja, jer to je veoma bitno i to je jedan ekološki standard koji je u budućnosti ne samo u Evropi, nego dolazi sve više i kod nas. Kod tih eko asfaltnih baza postoji da se kod nekih još uvijek koristi pravljenje asfaltna od tzv. frezanog asfaltna koji je bio prije korišten u proizvodnji pa ponovo se vraća. Ja se nadam da kod nas do toga neće dolaziti, nego da ćemo raditi onako kako trebamo raditi, ali isto tako trebamo poduzeti sve mjere što se tiče zaštite okoliša, filteri su veoma bitni. Mi znamo da u „Natron Hayat“ nema filtera kako bi mi ovdje živjeli u Maglaju. To je moj lični stav i nadam se da će u budućnosti raditi onako kako je ispravno.

Zdravko Barišić, građevinski inženjer i zadužen sam u najvećem dijelu na papirologiji u firmi. Radim u tehničkoj pripremi i nisam izravno zadužen za proizvodnju. U najkraćem se zahvaljujem što ste nam omogućili priliku da vam se obratimo. Firma „Dobojputevi“ je u ovaj projekat pripreme i nabavke novog postrojenja krenula prije 30 mjeseci. Prvi i osnovni uvjet je bio ovo što ste vi svi tražili da ova nova baza zadovoljava najviše ekološke standarde. Mi smo dobili od tri velika proizvođača asfaltnih baza sve ponude, obišli smo baze koje su u puno naseljenim mjestima, nego što je trenutno naša baza. Nije se radilo ništa napamet.

Jedan je vijećnik postavio pitanje oko kontrole. Svake godine mi smo dužni da Institut za zaštitu iz Sarajeva vrši kontrolu. Ono što ste vjerovatno primjetili, kod baza može biti kancerogeno, a ovo što je neko pitao tzv „rapa“, u

EU su trenutno na snazi da se 30% recikliranog asfalta vraća, dakle ne mogu se stvarati zalihe jer je puno opasnije kad se on isfreza i odvuče se u neku MZ i ugradi se onakav nego da se on ponovo termički obradi. Naša nova baza imat će 15x veću površinu filtera nego što ima sadašnja. Znači 684 m². Bit će duplo višočiji toranj i po njenoj tvorničkoj postavci ona ima emisiju čvrstih čestica 10 x manja nego što dozvoljava naša pravna regulativa. 20 x ima manju emisiju plinova. Ja sam jučer dobio od kolega koji imaju duplo veću asfaltnu bazu kapaciteta nego što je naša koja se nalazi u Rakitju u Zagrebu. Znači kad bi uzeli da pravi 240 tona/h, ona 10x ima manju štetnost nego sadašnja baza „Dobojputeva“. Naš osnovni cilj je bio da ne toliko dodvorimo se vama, nego da čuvamo sebe. Ekološki princip zahtjeva oni uzvodno čuvaju one nizvodno. Mi smo dole, znači svaki ekološki incident koji bi se dogodio na našoj bazi ne samo da bi ugrozio Moševac, nego i Doboj jug i Mraviće i sve. To je bila naša polazna osnova.

Da vas ne bih davio tehničkim podacima to je sila brojki, u principu garantujemo vam novo postrojenje ne samo što će biti ekološki sigurnije i bolje, već ima svedeno na minimum upotrebu ovih fosilnih goriva. Čak plamenik će biti moguć ako dođe u skoro vrijeme do mogućnosti pribavljanja ukapljenog plina, mi uopće više ne bi koristili lož ulje, sad ga nećemo koristiti ni približno u novoj bazi koliko ga sad koristimo, jer grijači nove baze su električni. Baza će se samo paliti za potrebe sušenja frakcija. Puno je to drugačije jer iako ova baza 1997.godine koja je postavljena u to vrijeme je bila nova, standardi u toj sferi pogotovo u EU su toliko pooštreni da mi i kad bi htjeli po naški u Bosni nešto bočno ne možemo uraditi, pošto oni kad se ovdje instalira svi relevantni podaci kontrolišu se istog momenta kod proizvođača u Njemačkoj. Dakle, u onom momentu kad bi došlo do bilo kakvog ekološkog incidenta upalilo bi se crveno svjetlo gore i baza bi stala. Druga stvar, bez obzira na sve ove poteškoće koje su imali mještani i ja sam sad prvi put čuo da je to Moševac, mi to stalno vodimo kao lokacija Poljice. Kad je bila velika poplava, vi svi znate pogotovo Maglaj stradao, mi smo imali silu lomova na bazi, ali nije došlo do isticanja ni jedne litre lož ulja u Bosnu. Znači, mi smo uradili što se tiče ulaganja od poplave do sada, mi smo uložili 250.000,00 KM, znači ni jedna kap vode sa naše površine ne može otići nepročišćena u Bosnu. Sve imaju unutarnju odvodnju, imamo filtere, prečistače, znači ništa ne može otići.

Ja bih još samo rekao da općina Maglaj ima koristi. U Budžet općine Maglaj od kako je asfaltna baza postavljena uplaćeno je preko 800.000,00 KM. Dakle, ima koristi nije da nema. Doboj jug nema ništa. Vi znate kako ide sistem finansiranja, svi mi plaćamo Kantonu, Kanton vraća sredstva općinama. Znači Doboj jug nema od toga nikakve koristi, a komunalna naknada se ipak mora plaćati općini Maglaj. Da li je ona pravična ili ne, to je stvar koju vi trebate definirati, ali nije da direktne koristi nema.

Sad je malo problematično što su dvije baze i pred vama je malo teži zadatak. Međutim, probajte stvar gledati na jedan drugi način.

Znate da je Vlada Federacije donijela zaključak da se projektuje auto cesta od Putnikova brda do Doboja do Nemile i da je vjerovatno planiran da se u slijedećoj fazi raspiše tender za taj dio. Ono što bude išlo preko općine Maglaj, vi nećete biti u mogućnosti odlučivati a može doći vjerovatno Štrabar kao što je uradio onaj u Dubrovniku, država mu dala suglasnosti i on je na licu mjesta montirao bazu. Imate isti slučaj i u Johovcu, a te baze u principu nisu ekološke, one su montažne i puno veći zagađivači. I vama je u nekoj budućnosti sigurnije ovo što ste pitali u javnoj raspravi pet puta provjeriti, nego da za koju godinu se svi hvatamo za glavu.

Vijećnica Irena Herceg, s obzirom da je gospodin rekao da imaju dosta podataka po pitanju tih ekoloških zahtjeva i kolegica Selma svakodnevno se kao i ja susreće sa tim stvarima, ja bih vas zamolila da nam do neke javne rasprave ako nije problem dostavite te podatke kako bi i mi to malo pogledali i to će svakako uticati i na našu odluku.

Vijećnik Safet Jašić, ja ću poslije ove diskusije, mada smo iznijeli stav Kluba i to će otprilike ići u tom pravcu. Ovo što smo čuli od gospodina koji je malo prije nas upoznao sa detaljima, nije trebala naša suglasnost. Ako vi to tako objašnjavate da je asfaltna baza sad u ovome stanju, a za koliko povećavate eko standarde, odnosno koliko će to biti bolje i čišće, to ste mogli i sami uraditi bez ovog Vijeća. Ovo je jedna pozitivna stvar koju vi radite. Ne znam i sad mi je pitanje te dvije firme. Naravno da treba podići standarde kada je u pitanju zdravlje ljudi itd.. Ona je radila po ovome kako ste govorili i da nije bila šteta. Ovo je za svaku podršku i pohvalu što ste vi iznijeli ovdje. Ja bih malo govorio i o drugom zahtjevu, pošto su vezani. Ako će ona biti približno u rangju ove asfaltne baze „Dobojputeva“ da se ne prave smetnje ni jednoj ni drugoj firmi, nego da podržimo i ovo vaše i da i ova druga asfaltna baza ide svojim tokom da se ispoštuju sve procedure. Vi ste rekli i više nego što smo mi mislili da je dobro, ali da ne bude sad osporavanja kod ove druge firme. Ako dajemo podršku jednoj, dajemo podršku i drugoj asfaltnoj bazi i to je otprilike naš stav.

Vijećnik Elvir Vehabović, sve je ovo bilo divno, mi smo čuli te podatke, samo mala sugestija da se sve to kad bude javna rasprava dostavi opet na javnu raspravu. Ne bih se baš složio sa gospodinom Jašićem. Treba uputiti taj zahtjev i molbu i drugoj firmi da i oni naprave elaborat o emisiji čestica te druge, pa da bi mogli ići u dalju proceduru.

Vijećnica Svjetlana Zamboni, ja vam se zahvaljujem na ovako iscrpnom izlaganju za ovu asfaltnu bazu i ne odustajem od svojih prijedloga zaljučaka kako bismo predupredili da kažem nastupe u daljim procedurama. Ostala mi je još uvijek jedna nejasnoća vezano za materijal koji nam je dostavljen, a to je dopis koji ste vi dobili od Federalnog ministarstva okolišta i turizma i svi vijećnici ga imaju u materijalima. Predmet je upit u vezi izdavanja

okolinske dozvole vezano za vaš dopis od 25.01.2019.godine. Ja ću citirati samo prvi dio dopisa koje je poslalo Federalno ministarstvo, pa vi ako treba osvrnite se i na ovo. „Vašim dopisom zaprimljenim 29.01.2019.godine zatražili ste informaciju da li je potrebna okolišna dozvola za montiranje asfaltne baze većeg kapaciteta od postojećeg koje je izdano Rješenje o okolišnoj dozvoli broj taj i taj, 29.08.2016.godine za lokaciju Matuzići u općini Doboj-jug, a vi u dopisu pod ovim brojem rješenja navodite lokaciju asfaltne baze u naselju Poljice u općini Maglaj, malo mi je ostalo to nejasno. Nemojte da sad vraćamo na neke minorne stvari ovu diskusiju, ovo je jako važno meni kao vijećniku i mislim da li je došlo do tehničke pogreške. Ne znam o čemu se radi jer vam i ministrica u potpisu ovog dopisa spočitava, pa ni njoj očigledno nije jasno zašto ste tražili dozvolu, odnosno zašto ste tražili upit i zašto je otišlo za Matuziće Doboj-jug, a zapravo tražite za općinu Maglaj. Možda je to nesuglasica oko općina gdje je registrovano, a gdje nije, ali ja vas molim da i to pojasnite.

Vijećnica Selma Avdić, pošto se ovdje govori o „Geo put“ ja sam malo israživala ova firma „Aman“ ona ima veoma dobra laboratorijska ispitivanja kao što je naveo kolega Vehabović. Njihova ispitivanja su na jednom zavidnom nivou, njihove laboratorije su tako urađene da su im 0,01% tačna njihova ispitivanja, a što se tiče Rakitja, kod njih postoji narandžasta i plava baza za izradu. Ta narandžasta je stara, a plava je nova i ona se nalazi na nadmorskoj visini od 450 m, a sada se to svelo na 50 metara nadmorske visine izgradnja i znači te čestice su smanjile se u odnosu na prije. Ja samo postavljam jedno pitanje znači ta plava ide i kod nas, kao što je i kod njih.

Zdravko Barišić, tu je došlo do tehničke pogreške jer naša okolišna dozvola koju izdaje Federalno ministarstvo okoliša vrijedi još dvije godine. Zato mi nismo htjeli da čekamo zadnji rok već smo krenuli u sve pravne procedure od upita Kantona od jednog ministarstva, do izrade jednog projekta, do izrade drugog projekta itd. Ovi koji se time bave moraju znati da prije nego što se da konačna suglasnost mi trebamo dobiti bez obzira što tu imamo asfaltno postrojenje trebamo dobiti 14 različitih suglasnosti. Za to treba dovoljno vremena.

Ne bih vas htio gnjaviti tehničkim podacima, naša baza u nazivu ima eko. Ovaj naš proizvođač „Benihofen“ on pravi puno veće baze i tipske baze. Ovaj gospodin sa mnom, on nije iz „Dobojputeva“. On je predstavnik tehnologije i zadužen je za distribuciju baza za cijelu jugoistočnu Europu i mi smo baš zbog ovih svih, nadamo se da ćemo i mi biti jednog dana dio EU da ne čekamo da nam neko skroji kapu išli na eko bazu. Da smo uzimali „Aman“ bilo bi nam jeftinije 300.000,00 KM. Ja vam mogu pokazati sve cijene. Ova investicija će u konačnici bez pratećih objekata koštati preko 2 miliona EUR i to baš zbog ovog eko zahtjeva, jer ona ima potpuno drugačije performanse u odnosu na standardnu bazu. Ako bi sveo na najjednostavniju stvar općina Maglaj neće voziti Golf 2- što je sadašnja baza već će voziti novog Pasata 7.

Vijećnik Firuz Galijašević, pošto je gospodin iz „Dobojputeva“ rekao da su zbog procedura poslali ovaj dopis koji je bio namijenjen, odnosno bio je za lokaciju Matuziće. Da li ste vi poslali novi dopis za lokaciju Moševac i jel to u proceduri i čekamo li taj i hoće li on biti do javne rasprave.

Zdravko Barišić, taj dopis je upućen možda je čak i došao u firmu, ne mogu vam garantirati jer to vodi naš pravnik koji inače živi ovdje u Maglaju, tako da ako nije nešto pravno u redu, onda tražite njega. Uglavnom to je otišlo izmjena i da odmah pojasnim. Možda bi mi gledajući strateški postavili bazu u Doboj-jug, ali jednostavno mi nemamo tolike nekretnine. Vi znate da se ne vraćamo u povijest, da je ovo za nas iznuđena lokacija, jer smo mi ovaj dio „Dobojputeva“, to je u stvari izbjeglički dio „Dobojputeva“ kad je rat stao imao 400 ljudi i 10 mašina. Niko nije otpušten, niko nije poslan na Biro. Svi su ljudi socijalno zbrinuti, što znači svi su dobili radni vijek u „Dobojputevima“ otišli su u svoje penzije, a u RS ostale su dvije asfaltne baze, dvije upravne zgrade, 4 nadzorništva, 440 duluma zemlje. Dakle, ovo je sve napravljeno sljednije. Ja nisam tad bio u firmi i mogu zahvaliti i Općini Maglaj i bivšem menadžmentu što je se takav potez uradio.

Pauza za Kolegij OV

Vijećnik Hajrudin Ferić, mi smo imali sjednicu Kolegija na kojem smo pokušali da nađemo zajednički stav, zajedničko rješenje kompletnog OV i čini mi se da smo u mnogome uspjeli. Ja ću predložiti zaključke koje smo iskristalisali na Kolegiju i čim ih pročitam dat ću mogućnost i vama da se po njima izjasnite.

Vijećnik Safet Jašić, što se tiče Kluba SDA, mi ostajemo pri svome stavu, te predlažemo da podržavamo i održavanje javne rasprave do naredne sjednice OV, te da se nastave aktivnosti zainteresovanih u skladu sa pozitivnim zakonskim propisima, bez bilo kakvih usporavanja daljnjih procedura. Podržavamo održavanje javne rasprave, da ni jedna minuta se ne izgubi kad su u pitanju aktivnosti zainteresovanih u daljim procedurama. To je naš i zaključak i prijedlog zaključka.

Vijećnik Hajrudin Ferić, mislim da se neznatno razlikuju pa ću ja pročitati ovaj stav i ove zaključke Kluba i o njima ćemo se izjašnjavati kako su dolazili od strane vijećnika.

Otpriblike tri-četiri prijedloga zaključaka. Potpuno svjesni važnosti investicija u koje bi ušli potencijalni investitori na općini Maglaj, OV nakon ove rasprave je utvrdilo zaključke :

- Da se uputi dopis nadležnim Ministarstvima da se obustave radnje na izdavanju urbanističkih saglasnosti do utvrđivanja konačnog mišljenja Općinskog vijeća, na osnovu prethodne javne rasprave koja će se obaviti do tada.
- Da se održi javna rasprava za oba zahtjeva po ovim pitanjima na općini Maglaj u kojima će nosilac organizacije i pripreme održavanja javne rasprave biti Služba za urbanizam, geodetske i imovinsko

pravne poslove, sa obaveznim uključivanjem MZ koje gravitiraju ovim područjima, odnosno sa centralnom javnom raspravom u gradu Maglaju, osim MZ i Udruženja.

- Da se na centralnoj javnoj raspravi i ostalim javnim raspravama obavezno pozovu predstavnici investitora koji bi prezentirali svoje tehnološke norme koje se planiraju uraditi u cilju zaštite okoliša.
- Da se tehnološke specifikacije prosljede i prije održavanja javne rasprave vijećnicima OV kako je bilo to u prijedlogu gospođe Herceg.

To su četiri neka prijedloga koja se svode u suštini na ovo.

Vijećnik Mirza Bradarić, ja bih samo dopunio ovaj vaš treći prijedlog zaključka, gdje ste spomenuli da se na centralnu javnu raspravu pozovu i potencijalni investitori koji će naravno obrazložiti sve ovo detaljno opet. Ja bih još predložio da se pozovu na centralnu javnu raspravu i predstavnici ovih nadležnih Ministarstava koji u suštini i izdaju ove okolinske dozvole.

Fuad Hajrulahović, nisam dobro čuo, ne izdavanje okolinske nego urbanističke saglasnosti.

Vijećnik Safet Jašić, ja mislim da se trebamo izjašnjavati o ponuđenom materijalu, prvo po ponuđenom materijalu i da se izjasnimo po tome pitanju makar ovaj prijedlog otišao tamo negdje. Prvo se izjašnjavamo po ponuđenom materijalu, ako ne prođe ponuđeni materijal, onda idu sugestije, prijedlozi itd.

Dopredsjedavajući, hvala na sugestiji, nema potrebe, hvala na intervenciji, zaključke je predložila Predsjedavajuća odnosno u funkciji vijećnika i ovo su zaključci koji su prvo ovdje izneseni i koje ja kao prve dajem na glasanje, modifikovane na Kolegiju. Dajem prijedlog **zaključaka**:

1. **Da nadležni državni organi obustave sve započete radnje na izdavanju urbanističkih saglasnosti za investitore „Geo-put“ Maglaj i „DOBOJPUTEVI“ D.D. Doboj jug, do utvrđivanja konačnog mišljenja Općinskog vijeća, a nakon obavljene prethodne javne rasprave.**

Glasalo 12 glasova za: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 9 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA).

Glasalo 1 uzdržan glas: Mustafa Buljubašić (samostalni vijećnik).

2. **Da se održi javna rasprava do slijedeće naredne sjednice OV za oba zahtjeva, čiji nosilac organizacije i pripreme će biti Služba za urbanizam, geodetske i imovinsko pravne poslove. Da se u javnu raspravu obavezno uključe MZ Moševac, Kosova, Bijela Ploča, Misurići, Grad Maglaj i ekološka, tj. Udruženja sportskih ribolovaca i sl. Centralna javna rasprava treba da se održi u gradu, u Sali OV Maglaj na koju obavezno da se pozovu investitori koji bi dali obrazloženje i pojašnjenje tehnoloških procesa i specifikacija čiji cilj je zaštita zdravlja stanovništva i okoliša.**

Usvojeno jednoglasno sa 22. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

3. **Da se obavezno na javnu raspravu pozovu i budu prisutni, osim predstavnika oba investitora i predstavnici nadležnih Ministarstava.**

Glasalo 12 glasova za: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 10 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

4. **Da se tehničko - tehnološke specifikacije za zaštitu okoliša, od strane investitora dostave i vijećnicima prije održavanja centralne javne rasprave.**

Glasalo 15 glasova za: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Selma Avdić, Ermina Muminović, Dženita Smajlović (SDA).

Glasalo 6 glasova protiv: Adis Abdurahmanović, Edib Delić, Nedžad Alispahić, Mirsad Bejzić, Safet Jašić, Edina Jašić, (SDA).

Glasalo 1 uzdržan glas: Mustafa Buljubašić (samostalni vijećnik).

Dat je na glasanje prijedlog SDA:

Da se ne pošalje zahtjev nadležnim Ministarstvima za obustavu izdavanja okolinske dozvole za oba investitora, a da se održi javna rasprava.

Vijećnik Safet Jašić, onaj prijedlog koji sam ja iznio iznosi i kaži ko je za prijedlog Kluba SDA. Prijedlog je bio slijedeći: Predlažemo da se održi javna rasprava do naredne sjednice OV. Drugi dio je bio da se nastave aktivnosti zainteresovanih strana u skladu sa pozitivnim zakonskim propisima bez bilo kakvih usporavanja procedura.

Tražimo da se o ovom prijedlogu izjasnimo.

Dopredsjedavajući, i pošto smo se mi već izjasnili da se održi javna rasprava,

Vijećnica Svjetlana Zamboni, ja samo molim da pročitate prijedlog zaključka kako god on zvučao bilo kome od nas vijećnika. Pročitajte prijedlog zaključka SDA i mi ćemo se izjasniti.

Dat je na glasanje prijedlog SDA:

Predlažemo da se održi javna rasprava do naredne sjednice OV. Drugi dio je bio da se nastave aktivnosti zainteresovanih strana u skladu sa pozitivnim zakonskim propisima bez bilo kakvih usporavanja procedura.

Vijećnik Elvir Vehabović, imao sam dilemu da li je jedan zaključak ili dva. Prvi put je rečeno da su dva zaključka. Prvi zaključak da se održi javna rasprava i drugi da nema zaustavljanja. Tako je bilo prvi put kad si pročitao, drugi put si rekao da je jedan zaključak. Ako su dva zaključka, prvi dio je već usvojen. Drugi dio tvog zaključka je već izglasan tako što smo mi već izglasali da ide obustava. Sad ako mi većinom svi glasamo da ide bez obustave, koji ćemo zaključak onda provesti. Nema potrebe glasat.

Vijećnik Safet Jašić, ovo je odrađeno tako da naš prijedlog ne dođe uopšte na glasanje i nema potrebe da se izglasavamo po Poslovniku. Uopšte nema potrebe. Vi ste izglasali, mi smo bili kratki i jasni, ja ću ponovo pročitati šta sam predložio. Predlažemo da se održi javna rasprava do naredne sjednice, znači podržavamo ponuđeni materijal i da se održi plus javna rasprava u produžetku kažemo te da se nastave aktivnosti. To je jedan zaključak, nisu dva. Te da se nastave aktivnosti zainteresovanih strana bez bilo kakvih usporavanja. To je jasno, ali kad neko nešto hoće da zakomplikuje, to se tako radi. Ovo je jasno bilo. Predsjedavajući koji vodi sjednicu treba da moj prijedlog evidentira i da ga iznese i kaže ko je za, slovo jedno mnogo znači u našem jeziku. Mi smo bili decidni, jasni. Predlažemo i materijali koji su ponuđeni i dodajemo javnu raspravu i da aktivnosti zainteresovanih strana idu što brže bez ikakvog usporavanja i osporavanja.

Vijećnik Elvir Vehabović, onda pošto je već izglasano da ide obustava daljnijeg procesa onda ne možemo glasat ako je već izglasano da ide obustava daljnijeg procesa. Onda ne možemo glasat ako je već izglasano, ako je to jedan zaključak. Onda nema potrebe glasat.

Dopredsjedavajući, oni jedan drugi isključuju i nema potrebe da se već glasa, a oni koji se ne isključuju i koji se dopunjuju o njima treba glasat.

Dajem na glasanje prijedlog zaključka SDA koji je predložio gospodin Jašić.

Glasalo 9 glasova za: Adis Abdurahmanović, Edib Delić, Nedžad Alispahić, Selma Avdić, Mirsad Bejić, Safet Jašić, Edina Jašić, Ermina Muminović, Dženita Smajlović (SDA).

Glasalo 12 glasova protiv: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 1 uzdržan glas: Mustafa Buljubašić (samostalni vijećnik).

AD – 15 Prijedlog Odluke o dodjeli studentskih stipendija redovnim studentima I i II ciklusa sa područja općine Maglaj za akademsku 2018/2019. godinu;

Dopredsjedavajući, prije nego otvorim raspravu, meni su iz Službe sugerisali da postoji tehnička greška u Kriterijima stoji u stavu II gdje se kaže da su redovni studenti I i II ciklusa studija na javnim privatnim visokoškolskim ustanovama u BiH, ovo privatnim treba izbrisati, nije ni bilo i u istom tom stavu piše u BiH ili izvan BiH, dakle i ovo treba izbrisat izvan BiH.

Općinsko vijeće je saglasno da se razmatraju zajedno tačke AD - 15 i 16.

Otvaram raspravu po obje tačke i glasat ćemo posebno.

Nerma Zupčević, vi ste poštovani vijećnici u vašim materijalima za ovu sjednicu dobili prijedlog Odluke o dodjeli studentskih stipendija iz Općinskog budžeta za akademsku 2018/2019. i Opšte Kriterije. Dopredsjedavajući vijeća vam je već objasnio da je došlo do jedne tehničke pogreške, zapravo radni materijal je dostavljen u vašim materijalima i zbilja stoji greška u tački 2. stav 1. alineja 2. gdje se radi zapravo o višku, dakle, ne treba da stoji ili „privatnim“, dalje ide visokoškolskim ustanovama i križa se ovo „ili izvan Bosne i Hercegovine“. Obzirom da se križa i ukoliko prihvatite ovo naše pojašnjenje i da se radi o greški, onda i ovdje u tački 5. u stavu 3. zadnja rečenica koja glasi, u slučaju prijave na konkurs studenata koji studiraju izvan BiH, čije su ocjene uspjeh na fakultetu iskazane u drugačijim vrijednostima, primjenjivat će se tumačenje Ministarstva za obrazovanje, nauku, kulturu i sport ZDK. Onda ni ova rečenica nije potrebna. Obzirom da je Služba za opću upravu i društvene djelatnosti predlagatelj ovih materijala mi se izvinjavamo što je došlo do ovakve pogreške i vjerujemo da ćete vi to uvažiti i prihvatiti materijal sa ovim korekcijama.

Otvorena je rasprava

Vijećnik Edib Delić, Klub SDA je razmatrao na svojoj sjednici ovaj ponuđeni materijal i kada je u pitanju Odluka o dodjeli stipendija redovnim studentima I i II ciklusa studija na području općine Maglaj za akademsku 2018/2019.godinu, naš Klub će podržati ovu Odluku. Kad je u pitanju Opšti Kriteriji za dodjelu stipendija za 2018/2019.godinu mi smo tu imali prijedlog i prvo nam je to zapalo za oči, ali evo dobili smo obavještenje šta je u pitanju shodno ranijim odlukama i kriterijima i slažemo se, ovo je bio i prijedlog Kluba SDA. Imam prijedlog da u ovom stavu 2. u okviru ovog drugog člana pravo na dodjelu stipendija nemaju studenti pa da se ubaci oni koji studiraju na privatnim fakultetima i oni koji studiraju van BiH. Bit će tada u potpunosti u redu i naravno uz ove dopune ćemo prihvatiti i ove kriterije.

Pauza Kluba SDP-a

Vijećnica Šahman Anida, Klub vijećnika SDP-a će prijedlog Odluke o dodjeli studentskih stipendija I i II ciklusa kao i prijedlog Opštih Kriterija podržati. Imamo malu intervenciju vezano za kriterije, treba da stoji do diplomskog i postdiplomskog studija, jer Kriteriji treba da prate Odluku. Sugestija Službi da se tehničke greške ne potkradaju, bilo je slično i prošle godine, pa da se ne gubi vrijeme na to.

Vijećnik Hajrudin Ferić, ja ću također prihvatiti sa ovim intervencijama i Odluku i Kriterije i glasat ću za i drago mi je da možemo krenuti u proceduru i da naši studenti također dobiju te stipendije za prethodnu godinu.

Ono što bih ja sugerisao nadležnoj Službi, Načelniku, pa i Komisiji koja na nekoj od svojih narednih zasjedanja da mi po istom ovom principu za narednu godinu donesemo Odluku o stipendiranju učenika srednjih škola. Da se to dobro vidi, razmisli, proanalizira i da eventualno ako se pokaže, mi tamo mislimo da bi bilo uspjeha i da tako nešto uradimo naravno sa drugačijim kriterijima za pojedina zanimanja itd.

Druga sugestija Načelniku da sve studente koji imaju prosjek 10 jednostavno uvedemo u neki poseban red, Budžet, Odluku da se posebno nagrađuju nakon svog tog završetka školovanja. Ja imam neku nezvaničnu informaciju da se prave prijemi itd. ali da to utvrdimo kao neku zakonitost, kao neku obavezu da nakon svake studentske godine svi oni studenti koji imaju prosjek 10 na adekvatan način budu i finansijski i javno nagrađeni kako bi bili podstrek i poticaj drugim studentima da također daju sve od sebe. To je moja sugestija, nije ni obaveza, ni zaključak.

Dopredsjedavajući, zaključujem raspravu i dajem na glasanje

Z A K L J U Č A K

15.1. Donosi se Odluka o dodjeli studentskih stipendija redovnim studentima I i II ciklusa sa područja općine Maglaj za akademsku 2018/2019. godinu, uz tehničke ispravke.

Usvojeno jednoglasno sa 21 glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA).

Glasalo uzdržano 1: Mustafa Buljubašić, samostalni vijećnik.

AD – 16 Prijedlog Opštih Kriterija za dodjelu stipendija redovnim studentima dodiplomskog studija sa područja općine Maglaj za akademsku 2018/2019. godinu;

Z A K L J U Č A K

16.1. Donose se Opšti Kriteriji za dodjelu stipendija redovnim studentima dodiplomskog studija sa područja općine Maglaj za akademsku 2018/2019. godinu, uz tehničke ispravke.

U tački 2. stav 1. alineja 2. ne treba da stoji ili „privatnim“, dalje ide visokoškolskim ustanovama i briše „ili izvan Bosne i Hercegovine“. U tački 5. u stavu 3. zadnja rečenica koja glasi „U slučaju prijave na konkurs studentata koji studiraju izvan BiH, čije su ocjene uspjeh na fakultetu iskazane u drugačijim vrijednostima, primjenjivat će se tumačenje Ministarstva za obazovanje, nauku, kulturu i sport ZDK, treba da se briše. Također u Kriterijima treba da stoji: do diplomskog i postdiplomskog studija, jer Kriteriji treba da prate Odluku.

Usvojeno jednoglasno sa 22. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

Pauza za ručak do 13,00 sati.

AD – 17 Izvještaj o realizaciji programa održavanja, sanacije i uređenja lokalnih i nerazvrstanih cesta i gradskih ulica u 2018.godini;

Predsjedavajuća, kako smo imali do sada praksu u prethodnom radu, da li ima potrebe da se obrađivač obrati prije diskusije vijećnika.

Otvaram raspravu

Vijećnik Firuz Galijašević, Klub SDP-a će prihvatiti Izvještaj o realizaciji programa održavanja, sanacije i uređenja lokalnih i nerazvrstanih cesta i gradskih ulica u 2018.godini, ali ja moram napomenuti bar ovo što je meni na zadnjoj strani lijepo. Moram se zahvaliti gospodinu Načelniku za ovo što je uradio u prošloj godini za nas, jer kako vidimo 91.072,00 KM, koliko je utrošeno prošle godine, Moševac je dobio samo 41.000,00 KM. Hvala vam Načelniče.

Vijećnik Adis Abdurahmanović, Klub vijećnika SDA odbija Izvještaj o realizaciji programa održavanja, sanacije i uređenja lokalnih i nerazvrstanih cesta i gradskih ulica u 2018.godini, jer je najveći broj puteva rađen ne po stvarnoj potrebi nego po političkom opredjeljenju, te nije urađen malte ne ni jedan put na kojem je evidentirano klizište i masa drugih osnovnih putnih pravaca, nego su se radili i rade sokaci privatnim kućama po zahtjevima aktivista stranke sa terena.

Predsjedavajuća, zaključujem raspravu i dajem na glasanje

Z A K L J U Č A K

17.1. Usvaja se Izvještaj o realizaciji programa održavanja, sanacije i uređenja lokalnih i nerazvrstanih cesta i gradskih ulica u 2018.godini.

Glasalo 12 glasova za: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 9 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bežić, Safet Jašić, Edina Jašić, Ermina Muminović, Dženita Smajlović (SDA).

Glasalo 1 uzdržan glas: Mustafa Buljubašić (samostalni vijećnik) .

AD – 18 Izvještaj o utrošku sredstava i realizaciji Programa održavanja javne higijene i održavanja ulica i javnih površina i zimskog održavanja ulica u gradu Maglaju i u Novom Šeheru za 2018. godinu;

Otvaram raspravu

Vijećnik Safet Jašić, što se tiče ovog Izvještaja, obzirom da su po nama poslovi koji su trebali da se rade nisu se radili i obrnuto i još jedna stvar zbog koje možda malo ponekad se i naljute ljudi. Ovom prilikom ću reći da većina ljudi koji rade na ovim poslovima, rade u majicama sa obilježjima političke partije. Mislim da to ne priliči, ipak je to JP i mislim da nije u redu ponašanje pojedinih radnika. Možda to nekom paše, a nekome smeta.

Vijećnik Hajrudin Ferić, želim pohvaliti ovaj Izvještaj. Koristim priliku da kažem tu istu rečenicu i za ovaj naredni Izvještaj o održavanju gradskog zelenila. Ono što želim da napomenem je činjenica da je KJD nekim svojim zalaganjem već utvrdilo standard estetike uređenja i javne čistoće koji i nije u ovim ugovorima koje OV godišnje prihvata, donosi na prijedlog Službe. Rađeno je i urađeno puno više od toga. Ja se samo nadam da je adekvatna i protuvrijednost tih urađenih radova, a u isto vrijeme da se sve od strane Općine kojoj je svima nama, Načelniku najprije, pa i Maglajlijama i te kako uzor i lijepo kad nam dođu ljudi sa strane i hvale, pa i ljudi po mjesnim zajednicama, kad daju pohvale na ovo što je urađeno, da se izvršavaju obaveze od strane Budžeta, to je jedan od zaključaka sa prethodnih sjednica OV, a i da se zaista puno realnije, puno ozbiljnije pristupi nekom ugovoru, tom programu uređenja i puteva i zelenila za iduću 2020.godinu kako bi mi faktički i vidjeli postojil mogućnost da mi ovo legalizujemo, odnosno vrednujemo u 2020.godini, ovo što je urađeno u ovom periodu. Naravno sve će to zavisiti od projekcija Budžeta itd. ali da se na vrijeme ima u umu sve.

Vijećnik Nedžad Lokmić, Klub vijećnika SDP-a naravno prihvata ovaj Izvještaj uz čestitke i komplimente menadžmentu firme sa nadom da će se ubuduće i tako nastaviti.

Vijećnik Mustafa Bešić, naš Klub će podržati ovaj Izvještaj. Ja moram da pohvalim ovaj Izvještaj. Grad je top, u vrhu, čistoća, desetka. Prilaze mi ljudi, ja radim kao komunalni redar u dosta mjesta i kažu da nikad nije bilo ovako. Ja bih samo sugerisao direktoru, kao vijećnik da još zaposli kojeg običnog radnika, potrebno je još radnika da nam još malo mjesne zajednice dotjera. Moram se osvrnuti na ove majce političke, pa to je dokaz da je u nas sve da možeš raditi, možda direktor to treba da uvede, znači možeš slobodno se ponašati, raditi, osjećat se komotno. Ja hoću da kažem, imam jednu informaciju ljudi koji pričaju, ne daj bože da su obučeni jednobojno. Komocija, slobodno, transparentno.

Vijećnica Svjetlana Zamboni, sigurna sam da će i Načelnik općine odobriti ovo što ću reći. Naime, u susretima sa delegacijama koje dolaze sa strane u ovaj naš grad, moram vam reći da sam stvarno ponosno za sve ono što

drugi kažu o nama, a na osnovu onoga što vide, na osnovu onog jednog ulaska ili dolaska u Maglaj ili prolaska kroz grad. Svi su puni hvale za izgled grada, za higijenu, za ove cvijetne male oazice koje se nalaze u cijelom gradu i ja vam također na tome čestitam.

Predsjedavajuća, zaključujem raspravu i dajem na glasanje

Z A K L J U Č A K

18.1. Usvaja se Izvještaj o utrošku sredstava i realizaciji Programa održavanja javne higijene i održavanja ulica i javnih površina i zimskog održavanja ulica u gradu Maglaju i u Novom Šeheru za 2018. Godinu.

Glasalo 12 glasova za: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 9 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA).

Glasalo 1 uzdržan glas: Mustafa Buljubašić (samostalni vijećnik).

AD – 19 Izvještaj o utrošku sredstava i realizaciji Programa održavanja gradskog zelenila, mokrog održavanja javnih površina i realizaciji mini projekata iz oblasti zaštite životne sredine za 2018.godinu;

Otvaram raspravu

Vijećnica Selma Avdić, stav Kluba SDA je da neće podržati ovaj Izvještaj i navest ćemo samo jedan primjer. Kako se ništa ne radi na uređenju drveća u ulici Aleja Ljiljana od objekta A-3 – karingtonka do raskrsnice sa ulicom S.O.Cara tačnije do mliječnog kioska. Tim dijelom ulice šetalištem se praktično ne može proći, a prethodna vlast je dobro kritikovana zbog uređenja drvoreda i platana i rješavanja problema platana, a danas je to u puno gore stanju, nego što se za tri godine nije uradilo ama baš ništa. Nismo protiv ruža i volimo kada nam je grad uređen i čist, ali u prethodnom periodu je vršen stalni mobing na vlast i nosioce izvršne vlasti zbog uređenja parkova, cvijeća itd. Stalno se tražila informacija koliko je to koštalo, a rađeno je sa puno više ukusa nego što je danas. Ne govorimo koliko je radnika bilo tada angažovano duplo manje, a koliko je danas na tim istim poslovima. Međutim i pored tolikog broja radnika svjedoci smo da je većina saksija sa cvijećem uvehlo i to je žalosno.

Vijećnik Firuz Galijašević, Klub SDP-a će prihvatiti Izvještaj o utrošku sredstava i realizaciji Programa održavanja gradskog zelenila, mokrog održavanja javnih površina i realizaciji mini projekata iz oblasti zaštite životne sredine za 2018.godinu.

Predsjedavajuća, zaključujem raspravu i dajem na glasanje

Z A K L J U Č A K

19.1. Usvaja se Izvještaj o utrošku sredstava i realizaciji Programa održavanja gradskog zelenila, mokrog održavanja javnih površina i realizaciji mini projekata iz oblasti zaštite životne sredine za 2018.godinu.

Glasalo 12 glasova za: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 9 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA).

Glasalo 1 uzdržan glas: Mustafa Buljubašić (samostalni vijećnik).

AD – 20 Izvještaj o utrošku sredstava i realizaciji programa tekućeg održavanja i rekonstrukcije sistema javne rasvjete na području općine Maglaj za 2018.godinu;

Otvaram raspravu

Vijećnica Edina Jašić, Klub vijećnika SDA po pitanju Izvještaja o utrošku sredstava i realizaciji programa tekućeg održavanja i rekonstrukcije sistema javne rasvjete na području općine Maglaj za 2018.godinu je protiv iz istih razloga kao što smo rekli i za tačku 17., odnosno da se rekonstrukcija i sanacija lokalnih i nekategorisanih puteva radi isključivo po političkoj liniji, a isto tako i realizacija programa tekućeg održavanja i rekonstrukcija sistema javne rasvjete na području općine Maglaj, gdje se po zahtjevu aktivista sa terena dodaje jedna ili više bandera i to besplatno ne vodeći računa o snazi u kw za pojedina trafo područja i projekte ulične rasvjete, a da ne govorimo o diskriminaciji građana općine Maglaj i jedni dobijaju besplatno uličnu rasvjetu, a drugi rade vlastitim sredstvima pa ih se koči kod realizacije ovih projekata, a samo zbog kupovine glasova.

Vijećnica Irena Herceg, u ime Kluba vijećnika SDP-a mogu da kažem da po pitanju javne rasvjete mi imamo samo riječi hvale. Vidljive su razlike u odnosu na neki raniji period, a ono što je najbitnije ovi izvještaj pokazuju kako idemo iz godine u godinu uštede i s obzirom na sve navedeno mi ćemo podržati ovaj izvještaj.

Predsjedavajuća, zaključujem raspravu i dajem na glasanje

Z A K L J U Č A K

20.1. Usvaja se Izvještaj o utrošku sredstava i realizaciji programa tekućeg održavanja i rekonstrukcije sistema javne rasvjete na području općine Maglaj za 2018.godinu.

Glasalo 12 glasova za: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 9 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA).

Glasalo 1 uzdržan glas: Mustafa Buljubašić (samostalni vijećnik) .

AD – 21 Izvještaj o utrošku sredstava i realizaciji projekta zbrinjavanje pasa lotalica i napuštenih pasa na području općine Maglaj za 2018.godinu;

Otvaram raspravu

Vijećnica Anida Šahman, Klub vijećnika SDP-a će podržati Izvještaj o utrošku sredstava i realizaciji projekta zbrinjavanje pasa lotalica i napuštenih pasa na području općine Maglaj za 2018.godinu. Koristimo priliku da naglasimo da je evidentno smanjen broj pasa lotalica.

Z A K L J U Č A K

21. Usvaja se Izvještaj o utrošku sredstava i realizaciji projekta zbrinjavanje pasa lotalica i napuštenih pasa na području općine Maglaj za 2018.godinu.

Glasalo 12 glasova za: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 10 glasova uzdržanih: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik) .

AD – 22 Informacija o tekućim aktivnostima vezano za groblje „Borik“u Maglaju;

Fuad Hajrulahović, u sazivu materijala dobili ste detaljnu Informaciju o onome što se dešavalo poslije pisanja ove informacije, a to je da je po službenoj dužnosti pokrenut postupak urbanističke saglasnosti zato što je stigao Idejni projekat i da je raspisan Tender i provedena procedura javne nabavke za izbor izvođača za izradu glavnog projekta Groblja Borik u Maglaju. Ovo je ostalo sve kako piše.

Otvaram raspravu

Vijećnik Hajrudin Fermić, samo ću sugerisat, kad smo dobili ovu Informaciju puno stvari nam je bilo jasnije i puno informacija smo dobili i samim tim u situaciji smo da prenesemo te informacije građanima, posebno onoj povećoj grupi zainteresovanih da se radi ovaj projekat, odnosno da ide svojim tokom i da se konačno nekad i završi. Iz tih razloga samo sugestija. Mi čak tu imamo i jedan od ranijih zaključaka Vijeća da se bilo koja nova informacija, novi momenat po pitanju gradskog groblja dostavi pa makar onako kao pisana informacija vijećnicima kako bismo mogli dalje. Ja znam da ste i vi svakodnevno u kontaktu sa ljudima koji pitaju šta je i fale nam te informacije, a vidimo mi sad iz ovoga da se zaista ozbiljno to i radi.

Vijećnik Mustafa Bešić, samo jednu informaciju bih podijelio sa vama. U više navrata sam kroz vijećničko pitanje postavljao po pitanju mezaristana od naših šehida – nišana. Oni su nageti, iskrivljeni vjerovatno je to zbog sjeline. Ja bih zamolio da se to ispravi, sanira i da se dovedu u uredno stanje.

Predsjedavajuća, zaključujem raspravu i predlažem da

- Informacija o tekućim aktivnostima vezano za groblje „Borik“u Maglaju, se prima k znanju.

AD – 23 Informacija o provedenoj obaveznoj preventivnoj sistematskoj deratizaciji na području općine Maglaj - proljetna faza 2019. godine.

Predsjedavajuća, nije bilo rasprave, zaključujem raspravu i predlažem

- Informacija o provedenoj obaveznoj preventivnoj sistematskoj deratizaciji na području općine Maglaj - proljetna faza 2019. godine, se prima k znanju.

Brifing Načelnika općine

- Ja ću prvo krenuti od vijećničkih pitanja. Prošli put je bilo nekoliko pitanja vezano za dobijanje odgovora i evo da vas obavijestim da je gospođa Hasanić napravila analizu vijećničkih pitanja od početka mandata, sročila je. Na većinu pitanja je dobiven odgovor što pismeno, što usmeno. Oni koji nisu u narednom periodu će biti i to realizovano.

- Kad je u pitanju ovaj period od posljednje sjednice Vijeća, želim da s ponosom kažem da je Općina Maglaj dobila BFC certifikat ili Certifikat poslovnog pozitivnog okruženja u općini Maglaj. Ja se želim zahvaliti svim uposlenicima Općine Maglaj koji su marljivo radili ovih godinu dana na dobijanju ovog Certifikata i položili smo na jedan dobar kvalitetan način ovaj ispit. Nije lako doći do toga. Činjenica je da smo morali dosta toga unaprijediti, promijeniti u samom razmišljanju unutar i administracije i unutar samih procesa. Mnogi su dokumenti analizirani, pripremljeni, hiljade su stranica priložene, tako da smo dobili taj certifikat i naravno imat ćemo recertificiranje. Certifikat vrijedi tri godine, certifikacija kreće nakon dvije godine od dobijanja certifikata. Da ga nije lako dobiti i da se imamo čime ponositi govori činjenica da od 24 općine koje su bile u procesu certifikacije samo 13 ih je u BiH uspjelo dobiti taj Certifikat, a gradovi poput Tuzle i Livna nisu uspjeli da prođu certifikaciju.

- U međuvremenu smo imali i jedan sastanak u Mostaru u resornom Ministarstvu, dvije „Elektroprivrede“ BiH i HZHB, oko problema upravljanja na novošeherskom kraju. Određeni zaključak su donijeli. Bili su prisutni i predstavnici FERK-a, dakle, pored dvije „Elektroprivrede“ FERK i predstavnici resornog ministarstva i ja kao Načelnik općine. Ja se nadam da će to sad ozbiljno shvatiti i jedna i druga „Elektroprivreda“, pa i samo Ministarstvo i razriješiti te probleme koje imaju na novošeherskom kraju kad je u pitanju elektroenergetska mreža, a ni sam FERK se nije uključivao u svoj posao. Kad je bilo zagustilo onda su poslali dopis da se proglašavaju nenadležnim za odnose između dvije „Elektroprivrede“ kad je u pitanju vlasništvo nad postrojenjima, a u samoj, to sam i kritikovao i rekao sam da moraju malo više znati o geografiji zemlje u kojoj žive, u samom Rješenju su napisali na području općine Novi Šeher, daju licencu „Elektroprivrede“ HZHB, tako da vjerujem da ćemo to sve ispraviti u svakom slučaju se mora naći rješenje za taj problem. Druga stvar, ono što radije to jesu realizovani projekti od strane „Elektroprivrede“ BiH na novošeherskom području. Koristim priliku da se zahvalim Podružnici „Elektrodistribucije“ Zenica. Njihovom kooperativnošću došli smo do toga da otvaramo i radove u Kosovi na dva trafo područja. Ja s obzirom da dolazim iz „Elektrodistribucije“ to smo zvali Kosova – brdo, tip trafo stanica, ali to je gornji dio Kosove, ali mislim da se taj dio tu zove Begići. I drugo je trafo stanica Kosova – dom.

- U međuvremenu se vode i radovi na brojnim mjestima kad je u pitanju infrastruktura, putni pravci, mostovi itd.. U toku je još jedan tender tako da će ti se radovi nastaviti kad se završi tenderska procedura.

- Pored toga bitna informacija da smo uspostavili dobar odnos sa TIKa-om kad je u pitanju uređenje Trga Alija Izetbegović, tako da su boravili predstavnici TIKE u Maglaju. Dogovorili smo se o daljnjim koracima i u toku je izrada Idejnog projekta uređenja Trga. Imamo obavezu početkom slijedećeg mjeseca da to dostavimo u Sarajevo i u Tursku TIKI na daljnje razmatranje, pa se nadamo da ćemo uspjeti i da realizujemo taj projekat zajedno s njima.

- Kada su u pitanju projektne dokumentacije radimo i projekat za cestu i parking između ulice Viteška i S.O.Cara da se i taj dio rastereti i uredi i uskoro će biti raspisan i tender za projekat uređenja. Gospođa Avdić je pomenula ulicu, s tim da je malo nekorektno pomenula da se zelenila ne održavaju, pa svi ste me napali na Fejsbuku, zašto su pojedina stabla oborena, pa kad ste vidjeli tamo truhlo ono kod solitera, onda ste drugačije reagovali. Radilo se i radit će se i ove godine kad je u pitanju zelenilo, a svakako ćemo da rekonstruišemo i tu šetnicu da to bude i ljepše i sigurnije kada je u pitanju šetnja građana.

- Platani, to sam pomenuo.

- Nisam htio da ustajem i repliciram za ovaj Izvještaj za rasvjetu, ali s obzirom da je Brifing mogućnost da kažem i taj dio, mi smo vrlo zadovoljni kad je u pitanju stanje javne rasvjete na području općine Maglaj. Svi vi znate da smo bili totalna zona sumraka. Znae koliki su bili i troškovi za održavanje i za el.energiju. Danas imamo puno više rasvjetnih tijela u funkciji kvalitetnih rasvjetnih tijela sa petogodišnjom garancijom, a u izvještaju ste ranije dobili i vidjeli ste da smo prošle godine samo na energiji uštedili 30.000,00 KM, ali onaj ko vam piše govore da držite, lupa gluposti, kakva trafo područja, kakvi transformatori, kakvi kw, radi se o tome da ovih 5 ili 6 svjetiljki mijenja snagu jedne sijalice koja koristi i to one najmanje 125 W, tako da su to totalne gluposti.

- Želim se zahvaliti mještanima u Kosovi gdje je ono klizište, obavijestiti ih da je konačno došao Elaborat

urađen od strane stručnih ljudi, predložena su određena rješenja. Najbitnije je da je provodivo da se može sanirati u odnosu na onaj početni pokušaj kada smo htjeli sanirati da je materijal samo nestajao. Mislim da već iduće sedmice možemo očekivati da uđe izvođač radova i da se sanira i to klizište, da se vrati put u funkciju. Još jednom zahvalnost mještanima s tog kraja za strpljenje.

VIJEĆNIČKA PITANJA I INICIJATIVE

Vijećnica Selma Avdić, pošto ste već spomenuli da je gospođa Hasanić radila sa tim odgovorima vijećnička pitanja, ja nisam dobila odgovor na vijećničko pitanje koje sam postavila na prošloj sjednici OV. Ono je glasilo kako je moguće da u jednoj mjesnoj zajednici se ne dobije ni jedna marka za izgradnju ulične rasvjete, a u pojedinim mjesnim zajednicama rasvjeta se radi o trošku Općine bez projektne dokumentacije i ostalih projektnih dozvola za izvođenje radova na izgradnji ulične rasvjete bez učešća građana?

1. Šta je Općina Maglaj poduzela, šta ima namjeru poduzeti u cilju rješavanja problema čišćenja i regulacije korita rijeke Liješnice, od ušća rijeke Liješnice u rijeku Bosnu, pa do mlina Mijić u Gornjoj Liješnici. Na ovom dijelu je samo u posljednjoj poplavi štetu pretrpjelo oko 80 vlasnika stambenih pomoćnih i privrednih objekata, a prilikom svake nove veće padavine prijete im opasnost od izlivanja rijeke Liješnice iz svog korita. Građani koji stanuju u ovom dijelu MZ Liješnica s pravom osjećaju bojazan šta će se desiti, pogotovo kada dođe period jesenzima kada se očekuju intenzivnije padavine. Ovo pitanje postavljamo na molbu najvećeg dijela građana koji žive na ovom području.

Vijećnica Edina Jašić, ja ću također ponoviti pitanje na koje nisam dobila odgovor. Koliko je Općina Maglaj izdvojila i platila iz općinskog budžeta za izgradnju mostova na rijeci Jablanici? Koliko je mostova izgrađeno i rekonstruisano?

Jedna inicijativa iz Kluba vijećnika SDA, mi predlažemo da se Brifing načelnika općine o aktivnostima koje se dese između dvije sjednice OV utvrdi kao prva tačka dnevnog reda, jer smatramo da je tako svrsishodnije.

Vijećnik Adis Abdurahmanović, zbog čega nije razmatrana inicijativa i zbog čega nije prihvaćen zahtjev i prijedlog Kluba vijećnika SDA da se svim vlasnicima poplavljenih objekata iz općinskog budžeta dodijeli po 1.000 KM a vezano za poplavu od 13.05.2019.godine. Klub vijećnika SDA je predložio iz kojih izvora se mogu obezbijediti ova sredstva iz općinskog budžeta.

2. Moje drugo vijećničko pitanje, mada je Načelnik dobrim dijelom odgovorio, ja ću ipak pročitati iz razloga što imam veliki broj poziva građana i to sam već 4-5 puta iznosio na vijeće i nisam dobio, ali evo sad je Načelnik odgovorio, ali ja ću ipak pročitati.

Zbog čega se do danas nije ništa uradilo na sanaciji puta oštećenog klizištem u MZ Kosova, na lokalnom putnom pravcu Topola-Kamenolom. Napominjem da je put jedna prohodan za manja vozila, da građani gube strpljenje i najavljuju da će biti primorani mjere protesta. Pošto je Načelnik najavio da bi se u radove moglo krenuti iduće sedmice, ja se iskreno nadam da do ovoga neće doći, jer zaista veliki broj građana javio se i poručuje da više nemaju strpljenja, približava se školska godina, čak prije da ni djecu neće pustiti, jer djeca se ostavljaju na pola puta.

Vijećnik Mirza Bradarić, ja bih prije svega Načelniku čestitao na svim ovim uspješnim infrastrukturnim projektima.

1. Ovo je više molba u ovom pravcu kada su infrastrukturni objekti u pitanju, a tiče se jedne dionice puta u MZ Ulišnjak, to je gore kako su mještani naveli od šehidske česme prema naselju Arnauti do trafoa gore, a dužina puta je otprilike nekih 150 metara. Oni nemaju zahtjev za asfaltiranje tog puta, nego za sanaciju u smislu da se na toj dionici prokopaju kanali za odvodnju vode i da barem jedna mašina u smislu gredera dođe da malo taj put izravna, jer obzirom da vrijeme ide jesen, kiše će sigurno biti i da ne bi taj put oštetio i ovu spomen česmu i čitav ovaj put od Šipraga prema Donjem Ulišnjaku. Jednostavno molba, sanacija, greder i da se prokopaju ti kanali za odvodnju tih voda.

Načelnik općine, dao odgovore:

- Gospođa Hasanić napravila analizu vijećničkih pitanja, nije napravila sve odgovore, tako da su to pogrešno razumjeli, tek ćemo to raditi.

Ja sam prošli put odgovorio na pitanja i sad se javi vijećnik i kaže nije dobio odgovor. Ako sam ovdje odgovorio, ja smatram to završenim. Ono što sam rekao, nemam potrebe da sjedim i ponovo to pišem.

Ovo pitanje vezano za izgradnju rasvjete po mjesnim zajednicama da se nekom da, nekom ne da, itd. ja vas prije svega želim upoznati da imate materijale koje trebate da čitate, da se prisjećate koje ste odluke donijeli itd. pa kad budete svjesni toga što sjedite u ovim klupama, zašto ste glasali, šta je Vijeće usvojilo, onda ćete moći izvući pouku za određene stvari.

Kada je u pitanju javna rasvjeta, vi dobro znate da je donešeno koja vrsta, koja energetska efikasnost rasvjetnih tijela itd. Prema tome, ono što je neko ugrađivao smeće, pa se javio načelniku, nemojte još prozivati načelnika da je radio stranački, nego su ti radili stranački a nisu uvažavali ni načelnika ni Općinu Maglaj i njima je kao i

svakom drugom plaćeno priključak, upotrebna dozvola i to će biti svakom. Druga stvar, imate program kapitalnih investicija koje ste usvojili pa i tamo vam piše i prošle godine je rađeno po nekom programu. Ove godine još transparentnije, dali vama da usvojite taj program, nije ga donosila služba, ni načelnik. Vi usvojili pa pročitajte u programu kapitalnih investicija gdje je šta predviđeno. To što je predviđeno, to će biti i realizovano. Ako je predviđeno 5.000 KM za MZ koja je od Poljica, pa naniže oni će dobiti svoj dio. Dakle, postoje planovi i po njima idemo, a navodi da neko gradi rasvjetu bez projektna dokumentacije, znate koju glupost vi ovdje valjate. Pa „Elektroprivreda“, „Elektrodistribucija“ vam neće priključiti bez projekta, bez upotrebne dozvole i koju glupost valjate tu. Nemojte, nema potrebe. Da li je to problem ako podržavamo izgradnju javne rasvjete, negdje čak tjeramo ljude da se aktiviraju. Evo Kosova dobrih godinu i po dana nije htjela s Načelnikom saradivati, pa smo uspješni napraviti neku relaciju pa su uradili dio rasvjete. Neki dan su bili kod mene ekipa koja je išla u Srebrenicu, pa je bio i predsjednik mjesne zajednice, pa smo malo porazgovarali ponovo o radovima u Kosovi. Treba saradivati sa Općinom, sa načelnikom i iće to svojim tokom. Ako neko u mjesnim zajednicama ima cilj da nema saradnje sa Općinom, sa načelnikom i ako misli da mu je to stranačka korist što neće nešto uraditi za svoju mjesnu zajednicu, to je do tih ljudi, nije do mene.

Kad je u pitanju rijeka Liješnica, šta je urađeno? Nije ništa, desetina godina nije ništa urađeno. Mostovi, dao sam odgovor, dobijate materijal, pročitajte, imate izvještaj o izvršenju Budžeta, imate izvještaj službe, imate izvještaj programa i nađete sve podatke.

Ne znam što pitanje, jel to nekom smetaju mostovi, da mi je bilo vidjeti jedan prije da je bio napravljen.

Evo još jedna politička popularnost po 1.000,00 KM iz Budžeta Općine Maglaj. Nađete mi 1.000,00 KM da je 2014.godine isplaćeno iz Budžeta bilo kome ko je poplavljen. Nemojte lupat takve stvari, nemojte građane lagat, to nije ljudski, nije moralno, nije vjerski. Jesmo rekli ona pomoć koju dobiju općine koje su poplavljene kako bude glasila pomoć tako će i biti realizovana. Ja vam lijepo rekao, ako dobije Općina Maglaj pomoć za one koji su nastradali u poplavama i oštećeni, ja vam rekao donesite kriterije podijelite novac, ali nema novca. Ni kantonalna vlada, ni federalna vlada nisu dali ni jednoj općini koja je poplavljena u maju 2019.godine. To govori o tome kako te vlade vode računa o svojim građanima.

Dalje, ili želite nastaviti lagat javnost ili nemate pojma o Budžetu. Pričate o suficitu, pa ljudi moji znate li vi da to nije suficit, da to nije višak para koji se ne može utrošiti, šta je vama. Pa ko će isplatiti stipendije? Evo danas ste usvojili kriterije, ko će isplatiti stipendije, jel to trebalo da se od početka godine sve ravnomjerno troši, nemoguće šta vam je. Ali je vama problem što Općina nije u dugovanju pa se može prikazati da pozitivno poslujemo.

Put prema Arnautima, iće to. Taj put i put prema Boriku, ovaj popreki kroz Šiprage. Iće sanacija tog puta i jeste taj put u lošem stanju i dopredsjedavajući je sugerisao za taj put. Žao mi je što nismo prije ove presvlake puta u Ulišnjaku radili, ali nema veze uradit ćemo čim mašine budu išle u tom smjeru.

29. sjednica Općinskog vijeća završena u 13,53 sati.

Zapisničar,
Nilsveta Bašić

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.

